

**PNGEFF tok lukaut long ol papagraun - P2**

**OHE tok Jubili i no Yunivesiti - P10**

**Kapi Natto, trupela man bilong spots - P26**



# Wantok

Namba 1853 Wan Wik Februeri 18 - 24, 2010

Niuspepa Bilong Yumi Ol PNG Stret!

K1 tasol

Intanet i kamap isi tru wantaim **Prepaid BlackBerry**



**FREE** Sabskripsin inap Mas 31

Kisim tasol BlackBerry 8520 Gemini long **K999!**

Digicel i kamautim **Pre-paid Blackberry Sevis.**

Kisim **FREE** sabskripsin tete.

Ofa bai stap inap Mas 31.

Go lukim wanpela stua klostu long yu long kisim ma toksave!

**Digicel**

PNG's Bigger, Better Network.

Ol tem na kondisen bilong Digicel i stap. Fri sabskripsin bai go long olgeta nupela BlackBerry sabskraiba stat long Februari 17 Igo Mas 31. Dispela sevis em wan kain olsem olgeta BlackBerry masin em Digicel i salim. Ringim Kastoma Kea namba long 123 long kisim moa infomesin.



**PILAI BALUN:** Em long PNG ah? Nogat. Tasol sapos Gavana bilong Nesenel Kapitel Distrik, Powes Parkop i kisim gutpela tingting, dispela kain samting i ken bungim ol manmeri long Mosbi siti long lukim na amamas. Dispela em ol bikpela balun long wanpela Hot Ea Balun Festival i kamap long Angeles Siti, Pam-panga provins long Filipins. Dispela festival i save ron fopela de, na i gat ol kain pilai olsem kalap na plai long ol bikpela balun olsem, pulim kait na ol arapela samting bilong plai. *Lukim moa Wol Nius poto long PES 14 na 15. (Poto i kam long AAP Images)*

## 'Gavman sistem bagarap olgeta!' - PAC

**Paul Zuvani i raitim**

**PLANTI wok painim ripot i kaikaim das long Morauta Haus long Waigani.**

Olgeta menesmen na akauting sistem bilong Gavman i bruk daun.

Stat long wanem taim Gavman i kamapim ol inkwairi long ol asua i kamap nogat wanpela wok stia i

kam long gavman long askim Pablik Prosekyuta long givim oda long polis long painim, arestim na kotim ol trabel manmeri.

Na man husat bai givim dispela oda em Praim Minista.

Dispela em tok bilong Malcolm Kela Smith, Gavana bilong Isten Hailans long Palamentari Pablik Akauns Komiti (PAC) i tok tenkyu long 5-pela oganaisesen i mekim

gut long akauting ripot bilong ol long las foapela yia.

Mista Smith, husat i namba tu sia-man bilong PAC. i tok korapsen o paul pasin i wanpela samting nogut we i save bagarapim gutpela sindaun bilong komyuniti na sosaiti.

Na em i askim long gavman i mas givim oda long pablik prosekyuta i go het na givim oda long polis long mekim wok painim long ol hevi na

sasim ol asua manmeri.

Wantaim dispela Smith i tok inap olsem K3 bilien mani bilong Papua Niugini i pas long Waigani.

Dispela i mekim sindaun bilong ol rurel manmeri i bagarap yet.

Dispela em long wanem em i tok asua i stap long ol pablik sevan long Waigani.

*I go moa long pes 3*



I Stap wantaim yu long olgeta hap!!

**RAIT BULI BIFI!!**





NO WANBEL: Asbisop Douglas Young.

# Sios laikim Notre Dem Sekendari Skul mas op gen

EM i bikipela bel krai bilong ol man-meri bilong Westen Hailans long biknem Notre Dem Sekendari Skul i mas op gen.

Nau yet dispela skul i pas bikos sampela man long Kumdi i askim skul long baim ol long K500, 000 kompensen mani.

Dispela em long wanem ol i tok wel wara em skul i kisim em long graun bilong ol.

Tasol skul i tok dispela wel i stap insait long graun bilong ol na i nogat wanpela as i stap bilong ol i mas mekim dispela kompensesen.

Tasol tupela man, Peter Sent na Joe Tep i wok long raitim pas i go long opis bilong Asdaioes bilong Mt Hagen na tok skul i mas baim ol.

Long wanpela kibung we Asdaioes na Provinsel Edukesen Etvaisea i tok klia long tupela man ol i no harim na go het yet long givim tok lukaut long skul.

Bihainim dispela kibung ol yangpela bilong Kumdi i save karim ol naip samting na wokabaut i go kam insait long skul.

Dispela i mekim Asdaioes i nogat moa tingting tasol i mas pasim skul long 12 Februari long dispela yia.

“Mi sori tru long lukim skul bilong 700 yangpela meri nau bai pinis.”

“Taim toktok bilong pasim skul i kisim dispela ol meri wantaim ol tisa bilong ol, ol i krai nogut tru.”

“Ol i tok i nogat wanpela asua i kamap na bilong wanem bai ol i kisim dispela hevi nating.”

“Em i no gutpela long liklik lain man i laik bagarapim raitis bilong ol,” Asbisop bilong Mt Hagen Daioses Douglas Young i tok.

Em i tok i no long taim Gavman i givim luksave long skul olsem wanpela sekendari skul na AusAID i givim sampela mani long stretim skul.

Tasol dispela ol wok tingting bai pinis bikos sampela man i ting ol i save moa, Asbisop i tok.

Em i askim tupela man long ol i mas yusim Kristen skul long skelim tingting bilong ol long mekim ol disisen.

# PNGEFF tok lukaut long ol papagraun

James Kila i raitim

PNG EKO- Forestri Forum (PNGEFF) i mekim bikipela tok lukaut long ol papagraun long ples na hauslain long kantri, olsem ol i noken guria na sainim ol pepa o agrimen nabaut we i toktok long kabon treid.

PNGEFF i tok ol papagraun i mas glasim gut na save gut long ol samting insait long agrimen pastaim long ol i givim ol risos bilong ol i go long ol autsait kampani long yusim.

Ol i tokaut olsem dispela bikipela nius na ripot long kibung long Copenhagen long Disemba 2009 i no karim kaikai long sait bilong REDD o Ridius Emisins long Diforestresen na Degradesen.

REDD i min olsem rot long daunim ol smuk nogut i kamap long ol bikipela indastri we i bagarapim ol gutpela win i stap long ples graun o wol bilong yumi. REDD i sanap long ol dispela tok “Reduced Emission from Deforestation and Degradation”.

EFF i tokaut tu olsem nogat ol gutpela toktok i kamap long helpim ol liklik kantri olsem PNG we i gat ol bikipela fores na ol papa bilong risos bilong en.

Wanpela pepa tasol ol i bin sainim long Copenhagen em ol i kolim long ‘Copenhagen Accord’. Na dispela em wanpela politikal agrimen tasol, na em wanpela hap pepa tasol we nogat lain i sainim nem long en.

Plantil ol bikipela samting we i lukluk long sait bilong helpim i go long ol liklik kantri we i gat ol fores long en. Moa long en tu sampela ol kantri i kamap wantaim wankain tingting long sampela ol eria we tok-orait i mas kamap. Sampela kantri tu i lukluk long wok bung long

kamapim wantaim wanpela gutpela gut long redim REDD na ol i les long wet long REDD we i bihainim UNFCCC. Ol kantri olsem Norway na France i redi long kamapim REDD insait long nupela agrimen.

PNG EFF i tokaut olsem PNG Gavman long nau yet i wok long stretim fainol ripot bilong en long ‘Climate Compatible Development’ na bihain long dispela ol bai lukluk long kamap wantaim fainol rot long daunim ol smuk nogut insait long wanem ol i kolim ‘Emmsion Reduction Targets’ (ERT). Ol i putim mak long daunim ol smuk nogut i go daun olsem 60-pesen (60%) long 2020 na 100-pesen long 2050 we i bihainim mak we Copenhagen Akod i putim.

Taim dispela i wok long go het yet plantil ol nius na ripot i wok long kamap long niuspepa, TV na radio olsem sampela ol papagraun i sainim ol agrimen pinis wantaim ol sampela kampani long hap bilong Is Sepik provins na Is Pangia long Sauten Hailans na Kamula Doso long Westen provins.

PNG EFF i luksave long dispela na i givim bikipela toklukaut i go long ol dispela lain olsem ol i noken sainim nating ol agrimen taim ol yet i no save gut tru long wanem samting i stap insait long dispela agrimen.

PNG EFF i laik tokaut klia tu olsem sampela bikipela ol samting ol lain long ol dispela bus o fores na ol narapela eria long bihain em olsem:

REDD em kain tingting tasol ol sampela kantri long wol i kamap wantaim long daunim hevi bilong ples i bungim hevi long bikipela san, bikipela ren, solwara i solap, graun i bruk, wara tait na ples i hot tumas. Long tok Inglis ol i kolim “Cli-

mate Change”. Dispela i bin kamap bihain long wanpela bikipela kibung long Bali we i kamap wantaim Bali Rot mep we i bringim fores o bus i kamap insait long dispela toktok bilong dispela hevi.

PNG i gat naispela ol bus na fores we i stap namba-3 insait long wol bihain long kantri Brazil long Saut Amerika na Congo long Afrika. Dispela i soim plantil gutpela kain kain rot i stap long sait bilong kisim mani long bus bilong yumi. Na tu long gutpela nem na was mipela i gat ino long kabon treid tasol long narapela ol sevises long sait bilong lukautim bus, graun na wara bilong yumi.

Nau yet i no Lo, lejislesin o Polisi long dispela hevi long bikipela san, bikipela ren, solwara i solap, graun i bruk, wara tait na ples i hot tumas (Climate Change) na tu Kabon Treid insait long PNG. Olsem na em i moa gutpela olsem ol papagraun bilong ol risoses mas noken sainim ol pepa nating na givim ol risoses bilong ol igo nating.

Ol samting bilong tok-orait pastaim, gavanens, serim ol samting wantaim na gutpela wok long mekim wok long graun em PNG EFF i save olsem dispela em papa bilong ol risos i save pinis pastaim long ol i ol ken go insait long wanem ol projek.

Insait long stetmen bilong PNGEFF ol plen long kamapim wanpela bikipela aweanes o rotso insait long 4-pela rijon bilong kantri long askim ol papa bilong ol fores long kamap na lainim ol samting ol yet na ol i ken mekim ol gutpela disisen long wanem rot ol i ken kisim gutpela mani o lukim wok i kamap long ol risos bilong ol.



KLAIMET HEVI: Long PNG, plantil ples bilong yumi wok long karim pinis hevi bilong klaimet senis. Katerets Ailan long Bogenvil i wok lusim graun long ol ailan bilong en long wanem mak bilong solwara i wok go antap.

## OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

### ORDER FORM

TITLE	ISBN	PRICE (incl GST)	QTY	SUBTOTAL
PNG Tok Pisin English Dictionary	9780195551129	K38.50		

Recommended price is correct at the time of printing and is subject to change without notice.

- Options for Payment
- (1) Direct deposit into local account details below
  - (2) Mail Order to World Publishing Company Ltd, PO Box 1982, BOMBOY, NEW ZEALAND
  - (3) Call into the office, Office 12, Section 18, Koroivua St, Waigani P.O. 3472

Account Name: World Publishing Company Ltd  
 Account Number: 100 006 5180  
 Bank: Bank of South Pacific Ltd  
 Branch: Commercial Centre  
 Branch Code: 9851  
 Sort Code: 8059900M

FAX BACK TO: (675) 325 2579

If you are ordering more than 100 copies please contact us for a quote.  
 Phone: (675) 325 2588  
 Fax: (675) 325 2579  
 Email: [worldpub@worldpub.com.pg](mailto:worldpub@worldpub.com.pg)

Name (print): \_\_\_\_\_ Phone: \_\_\_\_\_  
 Address (print): \_\_\_\_\_  
 \_\_\_\_\_  
 \_\_\_\_\_  
 Email: \_\_\_\_\_ Signature: \_\_\_\_\_

# 'Gavman sistem bagarap olgeta' - PAC



TOK STRET: Mal Kela Smith, Gavana bilong Isten Hailans i mekim strongpela

## I kam long pes 1

"Ol i sakim tok bilong gavman na bi-hainim laik bilong ol yet.

"Nau mipela i lukim wanpela gavman i stap insait long narapela gavman.

"Ol i no harim tok bilong Palamen husat i kamapim ol polisi long bihainim," Mista Smith i tok.

Long aste sindaun bilong em, PAC i bin askim Nesenel Forestri Atoriti (NFA) na Palamen na Pisikal Plening long wok bilong tupela.

Long NFA, PAC i tok stat long 2002 i kam inap long 2008 nogat wanpela gutpela akaunting ripot bilong NFA i kamap.

Nogat ripot bilong royalti mani o ol tok orait pepa bilong kamapim timba wok i stap bilong soim we ol wok na mani i stap long en.

Komiti i tok bikos long dispela asua, planti mani bilong pablik i mas lus pinis bikos nogat gutpela rekot i stap bilong was na tilim dispela ol mani.

Tasol em i amamas olsem bihain long ol askim bilong Komiti, NFA Dairekta Kanawi Porou wantaim menesmen bilong en i stat long stretim na kamapim gut ol ripot.

PAC i askim Porou wantaim menesmen bilong en long skruim yet gutpela wok ol i statim.

Wankain hevi em PAC i painim long Lens na Pisikal Plening na askim ol long stretim na kamapim gut gen akaunting wok bilong ol.

Siaman bilong PAC na Memba bilong Nawae, Timothy Bonga, i tok ripot komiti i kisim bek long 800 ol oganaisesen i soim olsem olgeta menesmen na akaunting sistem bilong gavman i bruk daun.

Em i tok komiti i les pinis long harim oltaim ol tok bilong paul pasin, stil na bagarap bilong ol pablik samting na mani. "Mipela i no bilip olsem tok krangi long wanpela oganaisesen long maus tasol bai helpim wanpela oganaisesen long kamap gut.

"Nogat. Dispela tingting bilong mekim gut wok na givim sevis long ol manmeri i mas stap long het bilong wan wan ol wok manmeri taim ol i mekim wok," Mista Bonga i tok.

# PNG i mas wok hat long inapim MDG

Veronica Hatutas i raitim

**WANTAIM 5-pela yia tasol i stap long inapim ol Milenium Dvelopmen Gols (MDG), singaut i go long olgeta lain i gat wok long dispela eria i wok-bung wantaim na mekim ol wok bilong inapim ol MDG bi-hainim ol mak we intenesenel komyuniti i makim.**

Bosmeri bilong Yunaitet Nesens Dvelopmen Program na namba tri bikmeri long Yunaitet Nesens sistem long wol, Helen Clark, i bin wokim dispela toktok long raun bilong em i kam long PNG long las wik Sarere inap long dispela wik Mande taim em i lusim kantri.

Taim Mis Clark i autim tok amamas bilong em long lonsim MDG long haus palamen long dispela wik Mande, em i tok PNG i gat bikipela wok long mekim insait long sotpela taim nau (5-pela yia tasol).

Dispela em bilong kilim skin long wok na inapim ol gol na sanap long wankain level olsem ol narapela kantri long wol.

Mis Clark i tok ol MDG em ol bikipela samting, bikos ol i soim mak bilong dvelopmen insait long ol wan wan kantri long wol, na PNG em i wanpela long ol.

Ol MDG em ol bikipela samting bikos long inapim ol samting i stap long lis, dispela bai kamapim planti ol gutpela senis long laip bilong pipel.

Dispela em long ol rot olsem gutpela pe, sans long skruim skul na gutpela helt, givim moa pawa long ol meri, daunim ol sik nogut, lukautim gut envaironmen bilong ol pikinini na ol tumbuna i kam bihain na sanapim ol wok



TUPELA LIDA TOKTOK: UNDP bosmeri na pastaim Nu Silan Praitim Minista, Helen Clark i toktok wantaim Praitim Minista Se Michael Somare.

patna wantaim ol narapela grup na kantri long wol bilong kamapim na strongim dvelopmen.

Ol lain i go pas long sampela ol gavman long wol o karamapim tu PNG i bin sainim Milenium Dekleresen long yia 2000 bilong kamapim gutpela laip na sindaun tumora.

Na ol i bin makim sampela eria olsem stiamak bilong dvelopmen na long 15-pela yia, ol wok bai kamap, o i karim kaikai.

Sampela ol eria ol i bin makim long ol wok i kamap, em long edukesen we olgeta pikinini i mas kisim yunivesel besik edukesen, olgeta famili i mas inap kisim helt sevis we helt woka i lukautim, ol-

geta famili i gat gutpela klinpela wara bilong dring, kuk na waswas na mak bilong HIV AIDS long kantri i go daun.

Mis Clark i tok MDG ripot bilong PNG i tokaut long HIV AIDS olsem bikipela birua i ken mekim kantri i no inapim ol MDG bilong em.

Tasol em i tok kantri inap long senisim dispela na daunim mak bilong AIDS i go daun. Long dispela i kamap, Mis Clark i tok gavman na sivil sosaiti i mas wok bung wantaim long daunim ol salens we dispela sik i kamapim. Na em i tok UN i sambai tasol long givim helpim bilong em.

Em i skruim tok moa olsem promotim sait bilong givim moa

pawa i go long ol meri, moa pikinini meri i go long skul, kamapim gut sans bilong ol pikinini krismas bilong ol i stap aninit long 5-pela yia na lukim olsem moa mama o karim pikinini na kamapim gut helt bilong ol mama na pikinini i no dai em ol trupela skelmak bai i lukim kantri em inapim MDG bilong em.

Mis Clark i tok long sait bilong mani, em i no wanpela hevi bikos long ol planti risos olsem maining, wel na likwifaid neturel ges (LNG) bai mekim moa mani bilong kantri.

"Tasol strongpela lidasip na baset we i klia na i no gat hait pasin long en na ol man i sapot na i lukim gutpela wok i kamap," Mis Clark i tok.

# Sapotim lejislesen bilong putim moa meri long palamen

Veronica Hatutasi

SAPOS PNG i gat moa meri long haus Palamen, bai em i gutpela moa bikos bai gat balens long ol disisen ol man na meri lida i mekim bilong dvelopim kantri, Helen Clark, em bosmeri bilong Yunaitet Nesens Dvelopmen Program na Yunaitet Nesens sistem long wol i tok.

Olsem na em i tok wok we wanpela meri tasol long Palamen em Dame Carol Kidu mekim wantaim ol arapela meri lida na grup long lejislesen sapos kabinet i tok oraitim bai kisim 22 meri i go long palamen long 2012 nesanel ilekesen em i

bikipela na gutpela samting.

Na sapos moa meri i go insait long palamen, na i em i bikipela na gutpela samting we ba i kamapim ol wok go het long ol man na meri i wokbung gut wantaim na ol narapela eria moa.

Mis Clark i bin strongim samting olsem 150 meri i bin stap long dispela bung wantaim em na ol narapela bikman olsem ol inap long kamapim senis long PNG na Pasifik sapos lejislesen long putim 22 meri i go long Palamen i kamap stret.

Long wankain taim, i bin gat sampela nesanel palamen memba i bin stap long bung na ol i autim sapot bilong ol long bil

bilong kisim 22 meri i go long palamen. Na ol bai vot sapotim dispela bil.

Nesenel Kapitel Distrik Gavana, Powes Parkop em i wanpela long ol. Narapela em Bulolo memba, Sam Basil na Nesenel Plening Minista, Paul Teinsten.

Mista Parkop i tokaut olsem em bai givim 120 pesen sapot long bil bilong putim 22 meri i go long palamen.

Em i tok em i gat bilip olsem ol meri i ken mekim gutpela wok, wankain olsem ol man.

Em i tok long NCD nau, em i sanapim jenda ikwaliti desk na i no moa, meri desk olsem bipo.

Na em i tok tupela meri, Mary

Toliman na Priscilla Kare, we nem bilong ol i bin kamap las yia taim ol i laik putim tupela olsem ol nominetet memba, em ol bai mekim gutpela wok na paitim strong ol toktok long palamen wantaim ol man (palamen) memba.

Mista Basil i bin tok 5-pela memba bilong Pipels Progres Pati bai sapotim lejislesen bilong putim moa meri i go long palamen.

Em i bin tok klia long as tingting na watpo opisisen i no bin sapotim lejislesen o bil bilong ol meri las yia bikos sampela samting i no stret long sait bilong lo (ligel).

## WORKING ALL OVER PNG

**BRUT - SLIP ON**

**NUBUCK - 6\" LACE UP  
SUEDE LEATHER**

**EXPLORER - 8\" LACE UP  
BROWN KIP LEATHER**

**BULLDOG BOOTS:**

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars

## BISHOP BROTHERS NATIONWIDE

everything for industry...

# Ol LLG kaunsila na Kainantu taun meya paulim pablik mani

**Willie Palme i raitim**

PLANTI tausén Kina pablik mani i paul o lus bikos sampela lokal level gavman (LLG) kaunsila na ol gavman ofisa i putim ol giaman pepa-wok na stilim ol dispela moni long Kainantu distrik long Isten Hailans provins.

Wanpela wok painimaut i bin tokaut long dispela bihain long Kainantu distrik edministresin na polis i karimaut ol wok painimaut bilong ol.

Polis i holim-pasim pinis Kainantu eben taun LLG kaunsil na meya bilong Kainantu taun, Louis Anis na wanpela ofisa bilong em Caspar Mavino. Dispela tupela man em ol fes lain tru polis

i holim-pasim ol, tasol sampela moa lain tu i stap yet we polis klostu taim bai kisim ol.

Ripot i tokaut olsem Kainantu taun meya, Louis Anis wantaim Mavino em polis i sasim ol long ino yusim gut o paulim mani mak olsem K4,800 bilong LLG

Insait long wanpela wok painimaut bilong Kainantu distrik

Isten Hailans Provinsal Polis Komanda, Augustine Wampe long dispela wik Tunde i tokaut olsem polis i holim-pasim dispela tupela man na i sasim ol long paul pasin ol i mekim wantaim mani bilong LLG.

PPC Wampe i tok

olsem Anis i bin kesim wanpela K1,200 sek bilong Kainantu LLG long Disemba 15, 2009 na em yet i yusim dispela mani, na narapela man ya Caspar Mavino i bin kesim narapela sek em K3,600 long Kris-mas taim na em tu i yusim mani long laik bilong em yet.

Polis ripot i tokaut olsem Kainantu taun meya Louis Anis i bin kisim K1,200 sek we i stap aninit long me bilong Kainantu LLG long sait bilong treding fi igo long Redstar Invesmen Limited long Disemba 10,2009. Bihain long 5-pela de Anis i go bek long kampani na i senisim dispela sek na kisim kes moni na i yusim

long laik bilong em yet.

Wok painimaut i tokaut tu olsem Manivo, husat i save wok olsem asembli klak bilong KLLG i kesim wanpela sek em mani mak olsem K3,600 em Bintangor Treding Limited long Kainantu i bin peim long treding laisens fi wantaim 5-pela katen bia na ol stua kaikai em mani mak olsem K400 na i kisim hap mani em mak olsem K2,600.

Sif Inspekta Wampe i tokaut olsem dispela ol paul pasin em liklik hap tasol bilong planti ol bikpela paul na stil pasin i save kamap long sait bilong ol lain i givim treding laisens fin a ol wokman bilong KLLG i save kisim na paulim na yusim ol yet.



**YUMI LUKIM NA RIT!** Laki lain sumatin bilong Niu Erima Praimeri skul, NCD i poro wantaim Hai Komisina Ian Kemish, Sekreteri Dokta Pagelio na NCD Gavana Powes Parkop na lukim ol nupela teks buk. *Poto: Australia Hai Komisina Media*

## Niu Erima en namba wan skul long kisim ol teks buk

Ol skul sumatin long Niu Erima Praimeri skul insait long Nesanel Kapitel Distrik i gat sans long kisim helpim long laini bilong ol wantaim ol nupela teks buk ol i kisim long las wik i kam long gavman bilong Australia.

Nupela Hai Komisina bilong Australia long PNG, Ian Kemish na Nesanel Edukesen Sekreteri, Dokta Joseph Pagelio insait long wanpela seremoni las Fonde long Niu Erima skul yet i bin givim ol buk i go long skul.

Opis bilong Hai Komisina long Mosbi i tok dispela em i hap long program we Australia i givim samting olsem 539,000 teks buk i go long 3,400 praimer i komyuniti skul na 8-pela tisas kolis long kantri.

"Mi amamas olsem dispela em i namba wan opisel wok mi mekim long PNG taim mi statim wok i no long taim i go pinis. Dispela em i wanpela bikpela program we gavman bilong Australia

i fandim. Australia i amamas long sapatim gavman bilong PNG i givim sans i go long ol sumatin long kisim gutpela edukesen na tu, long helpim kamapim gut skul bilong ol" Mista Kemish i tok.

Praim Minista Se Michael Somare na Praim Minista Kevin Rudd bilong Australia long las yia i bin tok bikpela wok ol i laik mekim na lukim i kamap em long moa pikinini i go long skul. Na inapim 20 pesen mak long yia 2015. Dispela i min olsem moa sumatin, long mak bilong 300,000 moa long mak i wok long go long skul long dispela taim.

Dokta Pagelio i tok gavman bilong PNG i statim pinis wok long dispela long raitpela rot taim em i bin tokaut olsem stat long dispela yia, ol elementeri skul bai i no inap long peim skul fi.

"Tasol em i no long kisim moa pikinini i go

long skul, nogat. Yumi mas lukim olsem ol tisa i mas gat ol risos bilong helpim ol skulim ol pikinini, Na tilim ol teks buk program nau i wanpela nilong ol," Dokta Pagelio i tok.

Ol lain long provinsel edukesen long olgeta provins i kodinetim ol wok long tilim ol teks buk i go aut long ol wan wan skul, wantaim helpim bilong AisAID na Nesanel Edukesen Dipatmen.

Mosbi na Lae i wok long salim ol palet buk long ol wan wan provins. Ol skul long Sentrel na Madang, Isten ba Westen Hailans na Sandaun provins bai stat long kisim ol buk bilong ol neks wik. Na ol narapela em bihain long ol.

Progrem na wok long salim ol buk i go aut long ol skul bai i pinis long namel bilong dispela yia. i gat long ol dispela buk ol mets, saiens na lenguj teks buk bilong ol Gret 6, 7 na 8. Yuropien Yunien tu bai givim sampela moa buk i go long ol skul bihain long dispela yia.

## Toksave na kam - Labi

POLIS bilong Pot Mosbi siti i go long Lae long mekim wok painim aut long ol lain bilong dispela meri we i bin kamap olsem wanpela loiya na rausim namba wan raskol man William Kapis wantaim narapela 10-pela kalabus long Bomanana long mun i go pinis.

Dispela tim bilong polis i go long Is Taraka long hap bilong papa mama bilong dispela eking loiya meri na kisim papa, mama na susa bilong eking loiya long las wik na lokim ol long sel bilong ol polis long Lae polis sesen.

Polis i bin holim ol dispela lain bilong eking loiya we polis i ting ol bilong Enga provins.

Tasol ol polis long Lae siti i tok dispela holim pasim bilong ol dispela lain em ino stret long sait

bilong lo long wanem, ol ino bin sasim ol yet. Pasin bilong sasim man o meri em mas kamap insait long 24 aua yet.

Bos bilong polis long Momase na Asisten Komisina bilong Polis (ACP) Giossi Labi ino wanbel long dispela kain pasin na kam bilong ol wanwok long Pot Mosbi tu.

"Mi kisim toksave long ol opisa bilong mi olsem papa mama na susa bilong dispela meri bilong dispela meri we kamap olsem loiya na rausim William Kapis i stap long polis sel. Ol polis bilong Pot Mosbi i kam kisim ol aninit long spesol polis oporesen," em i tok.

Em i tok opis bilong em (Momase rijinol polis komand) ino kisim toksave long ol dispela lain olsem ol i bin kam na kisim toksave tasol long

ol wokman meri bilong em olsem ol i kam na stap long Lae.

Em i tok em i kisim toksave long lain bilong em long rot olsem ol i kam long mekim wok painim aut long dispela eking loiya.

Em i tok em ino amamas long dispela kain pasin bilong ol we ino gat toksave na ol i kam long eria bilong em.

Em i tok em yet wantaim metropolitan superintended Nema Mondiai bai ino inap kamap papa long sampela samting sapos ol i kisim ol igo long kot long lokim man nating long sel na ino gat sas bilong em.

Ol i mas lokim ol bihain long igat gutpela evidens long sasim man.

Tasol ol dispela lain i lusim sel long wiken yet na ino moa stap long polis sel.

**National Capital District Commission**  
*Ofis bilong Siti Menesa*

**PABLIK NOTIS**

**SITI MENESA TOK LUKAUT LONG GIAMAN (KON) MAN**

Dispela em wanpela jenerol tok-lukaut igo long olgeta bisnis haus na ol wan wan manmeri insait long Nesinol Kapitol Distrik. Mipela i kisim ripot olsem i gat wanpela kon-man o giaman man husat i wok long yusim nem bilong Siti Menesa (Leslie Alu) long askim ol kontrakta, divelopa na ol klaiens bilong NCDC long kisim mani long giaman long givimaut ol wok kontrak.

Olgeta lain husat i save long dispela man i mas sekim ofis bilong Siti Menesa pastaim long yu go insait long dispela ol giaman mauswara askim bilong em.

Plis toksave long ol dispela giaman toktok igo long Seketeri, Ofis bilong Siti Menesa long 3240707 o salim e-mail long [KeninaV@ncdc.gov.pg](mailto:KeninaV@ncdc.gov.pg); long kisim tok-klia long ol askim, kontrak o projek.

***"Mipela I laik wok klostu wantaim yupela long stopim kain pasin nogut long kamap".***

***Tok-orait long putim long pepa***

**LESLIE ALU**  
Siti Menesa



KAUNIM MI: NCD Gavana Powes Parkop wantaim ol menesa bilong NCDC opis soim we long Senses. *Poto: Nicky Bernard*

# 'Kaunim mi tu!'

NESENEL Senses wik bai kamap long Julai dispela yia, we ol Senses bod opisa bai raun na kaunim ol manmeri na pikinini wantaim tu ol haus insait long kantri bilong yumi long Papua Niugini.

Gavana bilong NCD, Powes Pakop, i toksave long ol manmeri bilong Nesenel Kapitel Distrik (NCD) long wokbung wantaim ol wokmanmeri bilong Senses bod long kaunim ol na putim

namba long senses buk.

Dispela bai mekim isi long save amamas manmeri na pikinini i stap long siti na bai mekim isi tu long wokim ol pablik samting olsem skul, pablik toilet na sampela samting moa we pablik save yusim.

Dispela Senses ol wokmanmeri bilong Nesenel Statistikis Opis (NSO) bai kaunim ol manmeri na pikinini na tu ol haus bilong ol tu ol bai kaunim.

Sapos yu no silip long haus

tru bilong yu long dispela de ol i kam makim long haus bilong yu, ol bai kaunim yu wantaim wanem arapela haus o ples yu silip long en.

Olsem na bikpela samting Senses Bod i laikim, em ol manmeri i mas silip long haus tru bilong yu yet long dispela taim wok kaunim i kamap.

Long dispela poto, Gavana Parkop na Dairekta bilong Nesenel Senses, Kit Ronga i sanap wantaim ol opisa bilong NCDC na NSO.

## Wok kaunim manmeri bikpela samting: Ronga

Paul Zuvani i raitim

REKOT bilong wok kaunim bilong ol manmeri na ol haus i bikpela samting long helpim wok developmen plening bilong gavman.

Gavman i no inap long save long hamas wok em bai mekim inap long em i gat dispela ripot.

Dispela em tok bilong Nesenel Populesen na Hausing Dairekta, Kit Ronga long taim em I givim menesmen woksop long Sentrel na Nesenel Kapitel Distrik long dispela wik.

Mista Ronga I tok wantaim kain ripot Gavman bai save we ol pipel bilong en i stap, ol skul, haus-sik, rot, bris, agrikalsa na ol arapela samting i stap.

"Nogat kain ripot bai mekim gavman i paul long wok developmen na bai mekim em i pilim i nogat samting bilong strongim em long stap."

"Wok kamap bilong kain samting i sans bilong em long em i kisim na yusim long mekim wok bilong en," Ronga i tok.

NSO stat long dispela taim inap long Julai bai ronim ol woksop long wan wan ol provins na ol oganaisesen long skulim ol long wanem samting bai kamap.

Nesenel Senses, kaunim manmeri na ol haus, bai kamap long Julai.

Inta-Dipatmental 2010 Senses Staring Komiti i kamap pinis we Seketari bilong Nesenel Plening Joseph Lelang i stap siaman bilong em.

Arere long dispela ol sab-komiti olsem fainens, sekyuriti, lojistik, pablisiti na yusas edvaisa tu i kamap tu.

Ejensi we bai go pas long dispela wok kaunim Nesenel Statistikis Opis i kamapim 2010 Senses Seketariat na tu i wok long holim kibung long wanwan wik long lukluk bek long wok i kamap 2000 Nesenel Senses.

NSO wantaim DNP&M i wok bung long kamapim 2010 Senses pepa long Nesenel Eksekutiv Kaunsil bai tok yesa long em.

Ol toktok i kamap olsem namba bilong manmeri long dispela taim i sanap olsem 6.2 milion.

Sapos dispela i tru em i soim olsem populesen bilong kantri i save gro long 2.7 pesen.

Wok kaunim i save kamap bihain long olgeta 10-pela yia.

Las kaunim i kamap long 2000 na dispela I lukim namba bilong ol manmeri i bin stap long 5.2 milion.

Kaunim i bin kamap long 1980, 1990, 2000 na nau 2010.

AusAID i salim ol wokman bilong ol we ol i redim ol ripot long rot em Senses i mas ron long em.

Eking Nesenel Statisen Joseph Aka i tok manmeri i mas save:

" NESENEL Senses i narapela long (Ileksen) Komon Rol. Senses i kaunim manmeri mama I karim inap long manmeri husat i redi long dai tasol i pulim win yet. Komon Rol i kaunim manmeri husat krismas bilong ol i stap long 18 na go antap.

### 3toea SMS with X'cess Fixed Wireless

**3t SMS**

Get Smart, get Connected with X'cess

- 6t per min local prepaid peak
- 3t per min local prepaid off peak

**& now 3t per SMS**



Call Customer Care for information on: 323 4444 / 344 4444



\*SMS Service is available within the CDMA network only, and available to certain locations in PNG.

# SHP gavman kisim tok orait long baset

## Timon Henry i raitim

SAUTEN Hailans Provinsel Gavman i tok oraitim pinis provinsel baset bilong em bilong dispela yia we inap long K275 milien.

Displa baset bai sanap wantaim K73 milien nesanel gavman i makim bilong ol etministresen gren bilong ol pablik sevens pe na K76 milien bilong karamapim ol pablik investmen progrem bilong helt, edukesen, lo na oda na tu bilong mekim ol kain kain wok developmen. I gat K15 milien bilong ol spesol pepes gren mani tu i stap insait.

Hap bilong em inap long K111 milien bai kamaut yet long ol provins.

Gavana Anderson Ai-

giru i tok tenkyu long Somare Gavman bihain long em i autim mani plen wantaim bikipela sapot i kam long provins long lukluk moa long ol wok olsem rikonstraksen na restoresen.

Insait long dispela baset, ol i no putim K1.2 bilien bilong infrastraksa gren we nesanel gavman i bin tok long givim long Sauten Hailans provins, Hela, Sentral, Galp na Westen Provins aninit long Laisens Beis Benefits Sering Agrimen bung long Desemba las yia.

Mista Aigiru i tok em i namba wan taim tru we provinsel gavman i tok orait long ol meri grup i mas go pas long wok bisnis, na makim K1 milien long sapotim ol Meri long Wok Bisnis (WIP), pilai spot na mekim HIV

AIDS awenes insait long provins.

"Antap long K10 milien we nesanel gavman i bin makim long go long olgeta 109 distrik long olgeta hap bilong provins, provinsel gavman tu i makim sampela moa mani antap, olsem K2 milien long wanwan ol etpela memba insait long provins long dispela yia, na peim i go long join distrik baset prairiti na plening komiti bai ol i ken sapotim wok na developmen projek olsem etpos, helt senta, klasrum, han rot, lo na oda na ol arapela sevis insait long wan wan distrik," em i tok.

Aigiru i tok baset bilong 2008 na yia i go pinis i kirapim moa wok insait long provins na tu em i bin putim moa long

5,000 wok bilong ol yangpela wantaim ol kontrak kampani we Sauten Hailans Provinsel Gavman i tok orait na karimaut ol projek.

Mista Aigiru i tokaut olsem provinsel baset bilong dispela yia i bin go daun long K60 milien we i go daun long 30% wankain mak olsem bilong las yia.

Hetmeri bilong ol Kaunsol ov Wimen insait long Sautens Hailans Provins i tokim Wantok Niuspepa olsem long makim maus bilong ol meri em i salim bikipela tok tenkyu long Gavana Anderson Aigiru wantaim ol 8-pela memba bilong provins long luksave long wok developmen bilong ol meri.

# OilSearch wokman long Hides projek dai long han bilong birua

## Timon Henry i raitim

OILSEARCH Limitet, wanpela opereta long Hides Ges projek long Tari, Sauten Hailans na ExxonMobil, opereta bilong PNG LNG ges projek i tok strong long sekyuriti long Hides Ges projek bilong em bihainim dai bilong wanpela Komyuniti Laiesen Opisa long Hides.

Irapu Matiabe, 49 krismas, bilong ples Egele long Saut Koroba i dai long han bilong ol birua long Mande apinun dispela wik.

Polis i tok ol birua bilong ples yet i bin kilim dai Matiabe long 6 kilok apinun long Kulu vilis we i stap sampela mita klostu long Hides Ges plen sait.

Polis i tok ol birua long ples yet i sutim em dai wantaim pistol.

Ol wan pisin bilong Matiabe i bin kirap nogut tru na laik kirapim pait, tasol ol i wetim polis long holim pasim dispela man na lokim em long sel. Ol i tok sapos nogat, bai ol i kirapim pait.

Long dispela as, na menesmen bilong Oilsearch na Hides i askim ol polisman long mobail skwat 9 bilong Tari long go daun na lukautim ges plent sait long Hides.

Polis i tok Matiabe em i wanpela lida i save tok strong long sait bilong kamapim gutpela sindaun long ples na long komyuniti na bai ol i mekim wok painimaut yet.

Ol bai karim bodi bilong Matiabe i go long Tari Jeneral Haus sik bilong sekim.

Provinsel Polis Komanda, Suprintenden Jimmy Onopia, i kisim ripot long dai bilong Matiabe long Hides LNG prosek eria na bai traim long givim moa sekyuriti long lukautim ples bilong projek.

Nau yet MS9 na MS11 bilong Wabag i wok stap klostu long sait bilong sekyuriti bilong Hides projek.

Maski polis i stap pinis, Exxon Mobil, husat em i sab kontrak aninit long Essop Hailans Limitet, i pasim wok long Hides na long Komo eria bihain long trabel i wok long kirap insait long projek eria.

Ol wok konstraksen bilong LNG prosek na Komo intanesenel epot developmen, Yuni LNG Teknikal Koles, na stretim Kobalu klostu long Hides bai no inap go het moa. Ol ripot i tok ol i bin stilim kar bilong Exxon Mobil na paitim wanpela man husat i bin mekim wok sevei long Komo ples balus.

Ol ripot i tok olsem ol komyuniti bilong Ekele i bin lusim tupela wokman bilong OilSearch na singaut i go long Oilsearch Limited na gavman long wanem taim tru bai ol i kisim na kalabusim ol kain man olsem.

Ol i laikim tu bai Exxon Mobil i noken kirapim LNG prosek inap dispela ol hevi i stret na klia. Long wanem, sapos ol wokman i werim yet yunifom, wankain pasin olsem bai kamap bihain, na Exxon Mobil mas strongim gut ol wok sefti polisi bilong ol.

# Givim mekimsave yet long lain i bagarapim meri

PLANTI lain tu i wok long autim tingting long disisen we Helt Sekreteri Dokta Clement Malau i wokim long rausim K50 sas we ol haus sik i sasim long ol lain i kisim bagarap taim ol man i paitim na bagarapim ol.

Planti bilong ol em ol meri, mama na ol pikinini. Planti ol meri grup i bin amamas long dispela disisen tasol sampela i skruim moa toktok long em bikos ol i pilim olsem sampela

man bai yusim dispela olsem ekskius long givim moa bagarap na kisim fri tritmen long haus sik.

"Mi wari olsem pipel bai yusim dispela (rausim K50 fi) olsem ekskius long brukim bun bilong wanpela narapela na tokim ol olsem go na kisim fri tritmen long haus sik. Wanem yumi i ken wokim em long strongim ol kempein bilong yumi egensim pasin bilong paitim na

bagarapim ol meri na Stet i mekim husat man o meri i kamapim bagarap long peim kos o kisim em i go long kot bilong kisim mekim save.

Husat meri i kisim tritmen long haus sik long man i paitim na bagarapim em, i mas putim ripot long polis na polis bai sasim em na tu, mekim em i peim haus sik fi. Dispela nai mekim ol man i tingting," wanpela memba bilong pablik i tok

# Kempein long daunim pat tumas hevi long ol Amerika pikinini

MICHELLE Obama em Fes Ledi na meri bilong Presiden bilong Amerika, Barrack Obama i laik helpim hevi bilong ol pikinini long Amerika i pat tumas.

Olsem na em i lonsim o kirapim wanpela kempein long daunim hevi bilong ol pikinini i fatpela long las wik.

Long ol ripot, wanpela long tripela pikinini long Amerika i fatpela tumas, winim mak long hevi ol i sapos long i gat long en.

Misis Obama i tok dispela hevi i no gutpela long bihain taim bilong Amerika.

Plen we Misis Obama i wok long en i bilong daunim hevi bilong ol pikinini nau na i kam bihain husat fatpela tumas.

Kempein em i kolim "Let's Move" o "Yumi i Muv" bai traim long mekim ol kaikai long ol skul i gat moa ol gutpela kaikai na tu, kamapim gut rot bilong ol pipel i kisim ol helti kaikai long ol eria we i hat.

Misis Obama i askim helpim i kam long karimaut dispela kempein o wok long ol politisen, ol ekta na musik manmeri na ol biknem pilai lain bilong sapotim em long kisim ol mesej o toktok i go aut long pablik.



**National Capital District Commission**  
*Ofis bilong Siti Menesa*

**PABLIK NOTIS**

**GIVIM RIPOT TAIM NOGAT LAIN KISIM PIPIA LONG HAUS BILONG YU**

NCDC i laikim ol manmeri long givim ripot sapos nogat lain igo long eria o ples we yu stap long en long kisim ol rabis pipia. Dispela em bikos planti ol komplein o kros i wok long kamap bihain long ol lain bilong NCDC ino save go kisim ol rabis pipia bilong ol haus inap moa long wanpela wik.

Ol pipia na rabis i save kamapim hevi long sait bilong helt. Olsem na Komisin insait long wok bilong en long lukautim gutpela, klin na helti siti i askim olgeta ol lain manmeri husat i stap insait long siti long givim ripot sapos ol lain ino go kisim rabis pipis long haus bilong yu. Salim ripot igo long Ofis bilong Siti Menesa o salim e-mail long [keninav@ncdc.gov.pg](mailto:keninav@ncdc.gov.pg) o salim fex long 3259968.

*"Helpim mipela long helpim yu"*

*Tok-orait bilong Siti Menesa*

**LESLIE ALU**  
Siti Menesa

# Ol toktok i sapatim na egensim karamap long PNG

I GAT tupela pes olsem gutpela na nogut bilong kondom o karamap. Long ol planti yia i go pinis i kam inap nau, ol tok i sut i go na i kam long yusim kondom o karamap olsem wanpela rot long famili plening. Tasol moa yet nau taim sik HIV/AIDS i kam insait long wol na PNG, paitim toktok long yusim kondom o karamap olsem rot bilong banisim manmeri i kisim binatang bilong AIDS i go hot moa. Ol sios, helt lain, pablik, ol bikman na ol wan wan man i save autim ol tingting bilong ol na planti taim tu, ol i paitim ol toktok we sampela i sapatim na ol narapela i egensim. Insait long tupela wik nau, paitim toktok we pipel i ken yusim kondom o karamap olsem banis long sik AIDS long PNG i go het yet, bihainim toktok long autim tingting seksen we Nesanel Niuspepa i bin putim kamap long Febueri 5, 2010 we em bin tok egensim yusim kondom olsem banis bikos em i save mekim ol manmeri na moa yet, ol yangpela i no wari na i slip nabaut wantaim planti poroman o wokim pasin pamuk. Bihainim dispela ripot long Nesanel niuspepa,

siaman bilong Nesanel AIDS Kaunsel (NAC), Se Peter Barter i bekim dispela toktok ripot na tok kondom i save givim banis na i no strongim pamuk pasin. Se Peter i tok NACS i egensim dispela ripot toktok long niuspepa na yusim kondom long PNG em "long givim banis bai manmeri i no inap kisim AIDS binatang na tu, ol dispela husat i gat binatang pinis bai i no inap givim i go long ol narapela". Em i tok wanpela wok rises long wol ol i karimaut long kondom i go egensim toktok olsem kondom i save mekim ol man i strongim pamuk pasin. Em i tok pamuk pasin o stap pinis long sosaiti bipo yet long ol sosaiti long wol taim ol i bin kisim kondom olsem wanpela banis rot long famili plening. Se Peter i tok as we AIDS i wok long kamap bikpela long PNG em bikos long pasin bilong ol manmeri i no harim ol stiatok tasol ol i wokim bikhet pasin. Em i tok rot i op long husat i laik yuisim kondom tasol em i laik bilong wanwan sapos ol i laik yusim. Kempein long wol em long

bihainim ABC tasol kondom em laspela banis rot long ol dispela i save gat planti poroman na tingting long daunim laik bilong ol em ol i no inap kontrolim. Em i tok Kaunsel bai skruim wok long promotim kondom na gavman polisi i tok orait pinis long dispela. "Yusim kondom em i bikpela hap long wok we gavman i gat long menesim ol risk na stopim polisi bilong lukaitim pipel bilong yumi," Se Peter i tok. Em i tok ol sios i mekim bikpela wok long pait egensim AIDS long PNG, na i nogat kwesten ol gutpela Kristen na famili velyu na pasin em ol bikpela samting ol i save mekim long ol wok awenes. Na ol atoriti i no stopim ol baibel long ol hotel rum na ol narapela ples moa. Em i tok ol sios em ol i bikpela patna long pait egensim AIDS na planti bilong ol i luksave olsem yusim kondom em i laspela rot piepl i ken kisim olsem banis bilong ol. Long wankain taim, wanpela sinia bisop long Katolik Sios, Bisop Cesare Bonivento bilong Vanimo Daiosis i tok tru, kempein long yusim kondom olsem

banis we Se Peter i toktok long en em i wokim wantaim gutpela tingting, i moabeta long luksave olsem dispela samting i no wok gut tumas na i wok long kilim planti lain. "Em i olsem gan we i sapos long kilim dai birua, em i pairap long han bilong man i laik yusim long lukautim em yet. Tru tumas, em i no mekim wok olsem banis, tasol em i kilim planti manmeri," Bisop Bonivento i tok. Em o tok planti pipel i laik save watpo AIDS i wok long go bikpela taim gavman i troim bikpela mani long baim ol kondom. Em i tok planti lain i tingting olsem nau em i taim bilong senis na bihainim pasin we planti lain long wol i luksave nau na bihainim. Na dispela em long senisim pasin na tu, yusim ol rot nai i wok long pait egensim AIDS taim pipel i noken slip wantaim patna bilong ol taim ol i no marit yet, pas wantaim wanpela patna tasol bihainim taim yu marit na bihainim ol lo bilong God. "Harim gut ol toktok bilong God na givim em (God) liklik moa spes long taim yu karimaut kempein egensim sik AIDS.



## HIV Lain Mas Stap Gut


WANPELA bikpela wari bilong komyuniti em dispela: "Nogut man i sik HIV i givim dispela sik long narapela!" Olsem na taim ol i testim blut bilong man na painimaut em i gat dispela HIV vairas i binatang, namba wan skul em i kisim em dispela: "No ken givim sik long narapela!" Olsem na, sapos yu HIV pinis na yu gat poroman yu mas toksave long em. Sapos yu singel man o meri na yu bungim narapela na laik i kirap - yu mas tokim em yu HIV pinis BIPO pren pasin i kirap. Yu pamukmeri (sex woka) - yu no ken raun na wok mani moa. Bikpela tok em i olsem: "Yu no ken givim dispela vairas long narapela!" Skul i stap. Strongpela tok i stap. Lo i stap (HAMP Act). Tasol, i luk olsem sampela i no bihainim tok na i wok long raun long laik bilong ol na givim sik long narapela. Sampela i bel nogut na i kros bikos ol i kisim sik, na i wok long bekim na givim long narapela. Ol i tok: "Wanpela man i bin givim vairas long mi. Bai mi bekim na givim long narapela." Dispela em bikpela rong tru na i brukim lo bilong God na lo bilong kantri tu. Arapela i tok: "Mi yangpela na mi laikim pren-pasin (sex). Mi laik amamasim mi yet." Dispela kain tingting em selpis tru na yangpela i wok long bagarapim laip bilong arapela yangpela. Narapela i tok: "Mi pamuk (sex-woka) na em we bilong mi kisim ol toea. Mi save tokim ol long yusim kondom. Sapos ol i no harim tok bilong mi em wari bilong ol." Planti ol pamukmeri nau i save raun long nait-klab na ol man i no save ol i pamukmeri na ol i gat HIV. Taim ol i wokim dispela lo bilong HIV/AIDS - ol i kolim HAMP Act - mi bin askim ol long putim strongpela tok long "common good" insait long nupela lo. Mining bilong dispela em olsem: yumi mas lukim bikpela piksa na tingim komyuniti tu. i mas i gat strongpela lo bilong was long komyuniti; na man o meri i no ken raun nating na bagarapim komyuniti. Tasol, ol i no harim tok na lo (HAMP Act) i nogat strong long was long komyuniti - long "common good". Lo i go pas long was long sikman - man i HIV pinis. Tasol lo i nogat bun long holimpas man i wok long givim sik long narapela. Nau lukim, sampela i wok long givim sik long ol nupela lain. Mi tokaut long dispela nau bikos mi lukim wan wan man na meri i no save wari o ting long narapela na ol i wok long givim sik HIV long narapela. Ol i givim nem nogut long ol HIV-lain, husat i traim best bilong ol long sindaun gut. Long ol dispela lain i mekim rong long narapela - mi laik kolim nem bilong ol long pablik ples - bai ol pipel i ken save!

## Ol Katolik bisop stap long lukautim laip trening

Veronica Hatutasi i raitim

Esia na Pasifik na Dokta Brian Clowes, Dairekta. OL samting ol i glasim long dispela trenin g woksop i karamapim sait bilong helt, sosel na spiritual wantaim. Mak bilong ol manmeri long Esia na Pasifik, kontrolim populesen, abosen kondom o karamap olsem ol rot bilong daunim hevi long populesen em ol sampela bikpela samting we tupela bik man na meri i bin toktok long en. Bai yumi lukim moa ripot long dispela trening semina long neks wik. Bing bai i pinis bihain long ol Katolik komyuniti long Mosbi I bung long Se John Guise stedium long tumora nait na harim ol toktok bilong tupela bikpela man na meri.

**BISOP TRENING:** Ol Katolik bisop bilong PNG na Solomon Ailan i stap long lukautim laip trening woksop long Don Bosco Teknolojikel Institutu konperens ples, Is Boroko. *Poto: Nicky Bernard*





NUPELA BISOP: Nupela Bisop bilong Bogenvil, Bisop Bernard Unabali.

# Bogenvil Katolik Daiosis bai gat nupela bisop

Veronica Hatutasi i raitim

**OL wok redi i go het nau long makim nupela bisop bilong Bogenvil, Bisop Bernard Unabali.**

Wanpela komiti i sanap pinis long lukim olsem ol dispela wok redi i go gut.

Kodineta bilong komiti na pris pris bilong Lemanmanu peris long Buka Ailan, Justin Siko, i tok ol Katolik bilong Bogenvil bai amamasim makim bilong nupela bisop long Mas 19 long Hahela peris long Buka.

Pater Justin i wanpela Maris pater bilong Fiji, tasol bihain long em i kamap pater 6-pela yia i go pinis, em i wok long Bogenvil long 5-pela yia nau.

Tupela yia long Tobago peris long Buin, narapela tupela yia long Gagan peris long Buka, na nau em i lukautim Lemanmanu peris.

Bisop Bernard em i asples man yet bilong Bana Distrik long Sautwes Bogenvil bai em i holim wok olsem Vika Jeneral long Rabaul Asdaiosis long Is Nu

Briten provins. Nau em i wok olsem Oksileri Bisop bilong Bogenvil na i stap wok long Arawa, Sentral Bogenvil.

Em bai kamap olsem namba tri asples Bogenvil bisop long histori bilong Katolik Sios long Bogenvil.

Namba wan em Bisop Gregory Singkai na namba tu em Asbisop Se Peter Kurongku husat i bin holim wok bilong bisop bilong Honiara, Solomon Ailan na Asdaiosis bilong Pot Mosbi. Tasol tupela i dai pinis.

Pater Justin i tok seremoni long nupela bisop i kisim wok bai kamap long hetkwota bilong Katolik Sios long Bogenvil nau, em Hahela peris long Buka Ailan.

Pater Siko i bilip olsem Bisop Bernard em i rait man long kisim dispela wok bikos "em i save long ol samting long graun long Bogenvil. Em i wanpela man i gat daun pasin tasol em i smat long save na wok bilong em," Pater Justin i tok.

Bisop Bernard i kisim ples bilong Bisop Henk Kronenberg husat i bin bisop bilong Bogenvil long 11-pela yia.

Em i namba wan bisop bilong Bogenvil husat i bin kisim dispela wok long 1999 bihain long hevi long ailan. Long taim bilong Bogenvil hevi inap long 1999, Asbisop Karl Hesse bilong Rabaul Asdaiosis i bin save lukautim Bogenvil.

Bisop Henk i bin wok long Bogenvil olsem wanpela misinari pater long planti yia bipo long hevi long ailan.

Na i kam inap nau, em i winim 40 krismas long hap. Em i bilong kantri Holan long Yurop. Nau yet, em i wok i stap yet long Bogenvil.

Wantok Niuspepa i bin bungim Bisop Bernard long Mosbi long dispela wik.

Em i tok em i amamas long wok we Bisop Henk i mekim long Bogenvil long taim bilong hevi i kam inap nau bikos em i wanpela namel man na i gat save long stap na laip bilong ol Bogenvil pipel. Em i tok tu olsem wanpela aspels Bogenvil man, em bai mekim ol wok long helpim ol pipel bilong em na tu, skruim ol wok we Bisop Henk i statim long em.

## Pop Benedict 16 amamas long Katolik na Luteran wok bung

HETMAN bilong Katolik Sios long wol, Pop Benedict 16, i sapotim strong ol wok na toktok namel long Katolik na Luteran Sios long Amerika.

Long toktok bilong em i go long ol bilip manmeri, Pop Benedict 16 i bin autim toktok amamas bilong em long ol toktok na wok i kamap namel long tupela sios we inap kamapim yuniti namel long ol Kristen.

"Mi gat bilip olsem ol Katolik na Luteran bai skruim ol toktok namel long ol bilong helpim kamapim yuniti o wok bung wantaim i kamap long ples klia namel long ol Kristen. Na mi bilip olsem dispela ol toktok bai sapotim na strongim agri-men we tupela sios long Amerika i kamapim," Pop i autim dispela long toktok bilong em i go long jenerel pablik na moa yet, long ol Kristen manmeri long Amerika long las wik Trinde.

Em i tok em i amamas long lukim olsem stat yet em i kamap olsem Pop, wok pren na wok bung namel long ol Luteran na ol Katolik i wok long gro gut na moa yet, long level bilong Gospel sevis.

## Pop Benedict 16 bai gat planti wok long dispela yia

DISPELA yia bai i wanpela bisi yia long hetman bilong Katolik Sios long wol, Pop Benedict 16, husat klostu bai painim 83 krismas bilong em.

Long namba 5 yia bilong em i holim sia bihain long pastaim Pop John Paul 2 i bin dai long Epril 2005, dispela yia bai Pop i gat planti moa wok winim ol narapela yia.

Kalenda bilong em long ol wok ovasis i stat long wokabaut bilong em i go long Malta long mun Epril 17 na 18, Portugol (Portugal) long mun Me, Saiprus (Cyprus) long mun Jun, na Yunaitet Kingdom (UK) long mun Septemba long dispela yia. Em bai stap tu long sinod bung bai kamap long Midel Is na tu, sampela ol wok-abaut bilong em insait long ol santu ples long Itali yet.

Dispela em i yia tu we ol i ting olsem wok long santuim nau i dai pop we i

gat bikpela nem long wol planti pipel i save laikim tumas, Pop John Paul 2 bai i kamap.

Tasol Vatiken i tok dispela wok i mas bihainim yet stretpela rot long santuim husat manmeri inap long dispela level. Dispela em i yia tu we namba tu hap long buk bilong Pop Benedict 16, "Jesus of Nazareth" bai kamap.

Long stat bilong sios kalenda bilong pop, 2010 i bin stat las mun wantaim bikpela samting em i laikim bai i mas kamap. Em long Kristen yuniti na yuniti wantaim ol narapela lotu, moa yet, Islam na Judaisim.

Long las yia, bikpela wokabaut bilong Pop Benedict 16 i bin mekim long Afika. Long dispela yia, wok-abaut long Midel Is long mun Jun em bai bikpela samting long kalenda bilong em.

## Yangpela Katolik bisop long Australia

OL Katolik pipel bilong Australia i lukim yangpela bisop stret long histri bilong sios.

Em long Oksileri Bisop Anthony Fisher bilong Sidni (Sydney) i gat 49 krismas.

Hetman bilong Katolik Sios long wol, Pop Benedict 16 i makim pater Anthony bilong Sidni olsem Oksileri o helpim bisop bilong Paramata Katolik Daiosis bilong kisim ples bilong Bisop Kevin

Manning i gat 76 krismas, i ritaia o malolo long wok bilong em.

Sidni Asdaiosis i ripotim olsem Bisop Anthony em yangpela Katolik bisop stret long Australia husat i bin mekim bikpela wok long Wol Yut De las yia i bin kamap long Sidni, Australia.

Paramata Daiosis long wes Sidni i bin kamap wanpela daiosis em yet long 1986 na em i wok long gro hariap

wantaim planti ol yangpela Katolik populesen.

Em i gat 319,000 Katolik pipel, 49 peris, 150 pater na 376 rilijes i wok long en.

Bisop Anthony bai strongim yut ministri olsem hap long wok long nupela daiosis bilong em.

Henova tekova na blesing long Bisop Anthony i stat long nupela wok bilong en bai kamap long mun Mas namba 4.



SIAMAN BILONG WOK REDI: Pater Justin Siko. Foto: Veronica Hatutasi



### Lent em wanem?

LENT em taim bilong fas o hapim kaikai na beten na tu; em taim bilong traim.

Lent em taim bilong tambuim sampela samting yumi mekim i save bagarapim Kristien laip bilong yumi na tok yes long Jisas.

Bikpela samting em tok yes long Jisas na i no long satan.

Lent em taim bilong wanwan sios long strongim sios memba bilong ol long lukim ol yet olsem ol i nap redi gut long bungim diwai kros.

Mak bilong Len em taim bilong glasim insait long Kristen laip bilong yumi yet, taim bilong tok sori long ol pasin nogut yumi mekim na taim bilong luksave na stretim yumi yet, taim bilong stadi na taim bilong givim.

Yumi ken glasim Santu Luk 4: 1- 13. Jisas i go long ples drai na

i stap 40 de na 40 nait long fas na pre na satan i bin traim em long tripela taim. Yumi go bek long Genesis, Adam, Satan i traim em na em i pundaun, tasol nau Adam em Jisas, satan i traim em tripela taim na Jisas i no tok yes, nogat. Em i tok nogat, na em i win.

Satan i laik bagarapim wok bilong God, tasol Jisas i win.

Long Kristen laip bilong yumi tu traim i save kamap. Na planti taim yumi save tok yes tasol na yumi lukim sindaun na wok bilong Kristen laip i bagarap.

Panti taim yumi save givim we long satan long bosim laip bilong yumi.

I moa gutpela yumi mas sindaun na mekim disisen gut na mas tok no long satan na yes long Jisas.

Em bai yu inap winim ol traim na pas wantaim bilip na redi long dai na kirap wantaim Jisas.

Olsem na Lent em i taim bilong Selp eksaminesen (glasim yu yet) na repentens (tanim bel) long prea, tambuim kaikai na mediteit o strongim tingting na bilip long Gutnius.



# OHE i tok Jubili AOG koles i no yunivesiti

IMOABETA long Asemblis ov God (AOG) Jubili skul o koles long Gerehu, Nesenel Kapitel Distrik i no paulim ol papamama olsem em i wanpela yunivesiti.

Dispela em bikos em i no inapim yet ol stendet long kamap olsem wanpela yunivesiti, Opis bilong Haia Edukesen (OHE) i tok.

OHE i raitim wanpela pas i go long Nesenel Superintenden bilong AOG Sios long PNG long tokim ol gen olsem em i no inapim yet ol rikwaiamen o askim olsem em i wanpela bikpela teseri skul, bihain long skul i putim lis bilong ol sumatin ol i winim spes pinis na ol bai skul long Jubili Yunivesiti long dispela skul yia.

"Skul i noken paulim pablik long ol kain toksave olsem ol i putim i go aut. Dispela pablik toksave i no givim trupela piksa long level bilong skul i stap long en na olsem, em bai gat kikkik we bai i no gutpela long ol papamama na ol sumatin long kantri," OHE i tok.

Opis i tok dispela etvetismen

i kwestenim Nesenel Eksekutiv Disisen namba 95/2009.

"Haia edukesen em i nesenel na nogat provaida i ken kirapim bikpela skul olsem yunivesiti o kolis taim em i no kisim tok orait bilong gavman, olsem em i stap long Haia Edukesen Ekt o lo bilong 1983 (bungim wantaim long 1995 na senisim long 2009) ol 2008 Gaitlain long kirapim na diklerim ol institusen bilong Haia Edukesen olsem wanpela Yunivesiti long PNG," OHE i tok.

Em i tok moa olsem NEC disisen Namba 191/2005 em i bin astok tasol bilong statim ol tok tok long kirapim Jubili olsem wanpela kolis na i no disisen long mekim em i kamap olsem wanpela yunivesiti.

"Olsem na NEC disisen nau i stap em NEC Disisen Namba 95/2009 i rausim pastaim NEC Disisen Namba 191/2005 na givim ol dispela:

Long Asemblis ov God (AOG) Sios i stat long developim ol strateji o plen long kirapim wanpela institusen bilong haia edukesen aninit long 2008 Gait-

lain bilong kirapim na diklerim olsem institute o skul bilong Haia Edukesen olsem wanpela yunivesiti long PNG; na

Long AOG sios i wok wantaim Opis bilong Haia Edukesen. Wanem institusen i tingting i laik kamap wanpela yunivesiti i mas inapim ol rikwaiamen i stap pinis, ol protokol na deklarasi long kirapim nupela institusen.

Dekleresen o tokaut long ol haia edukesen institusen olsem wanpela yunivesiti, OHE i bin etvaisim ol long noken yusim wod "yunivesiti" long abrusim paul tingting we ol bai tok olsem dispela institusen em i wanpela yunivesiti pinis.

OHE i askim Jubili Establismenten Komiti long wok klostu na toktok wantaim em (OHE) bilong helpim AOG ba ol NEC bilong em bilong wok long luksave long laik bilong AOG Kolis i kamap wanpela Haia Edukesen.

"AOG na NEC bilong em long toktok gut wantaim edministresen bilong skul na OHE," opis i tok.



WELKAM LONG KILAKILA SEKONDERI: Ol sumatin bilong Kilakila Sekonderi i bungim na sekan wantaim Edukesen Minista James Marape na ol arapela bikman bilong edukesen. Foto: Veronica Hatutasi

## Bikpela salens long ol skul long yusim gut sabsidi

OL skul bot long kantri i kisim salens long menesim na yusim gut ol skul sabsidi na ol narapela mani bilong skul.

Tu, singaut i go long ol provinsel gavman long sapatim edukesen dipatmen long ol wok i sut long skul bikos nau, sekta i gat planti salens. Moa yet, taim dipatmen i laik go hetim Besik Yunivesel Edukesen (BUE) long kantri.

Salens i kam long Edukesen Minista, James Marape long las wik long lons bilong nupela skul yia long Kilakila Sekonderi skul insait long Nesenel Kapitel Distrik.

"Ol skul not, menesim ol fans o mani yupela i gat long en. Tingting long mekim ol samting o plen yupela i laik yusim mani long em i wok, maski ol kain salens i stap. Em ol salens olsem menesim UBE, namba bilong ol sumatin long ol skul i wok long go bikpela na spes bilong ol pikinini," Mista Marape i tok.

Mista Marape i tok i gat moa ol samting we ol skul i laikim tasol mani i no inap.

"Basket long ol samting we edukesen dipatmen i laikim i moa yet tasol mani i no inap. Edukesen i laikim K2 bilong long karimaut gut ol wok o inapim ol nits bilong ol skul, tasol gavman i katim mak em inap long givim long en. Olsem na i bikpela samting long ol wan wan skul i wokim ol ripot long rot ol i yusim skul sabsidi mani long en, salim enrolmen lista na 5-pela yia developmen plen," Mista Marape i tok.

Em i tok tu olsem em i wok long traim kisim kabinet i tok orait long wanpela sabmisen o askim ripot long 50 pesen bilong Likwifaid Neturel Ges (LNG) mani i mas go long edukesen.

Long skruim toktok long UBE, Mista Marape i tok long tupela yia i kam, em 2012, edukesen bai i fri stat long Elementeri level i go inap long Gret 12.

## Amba Demonstresen skul opim nupela dabel klasrum

OL sumatin bilong Amba Pramereri skul long Lae, Morobe provins i statim gut 2010 skul yia bilong ol long gutpela stat bikos ol i ken sindaun gut long ol nupela klasrum bilong ol.

Dispela i kamap wantaim helpim bilong Japan na ovasis helpim oge-naisesen bilong em, Japan Ovasis Dvelopmen Ejensi (JODA).

Embasi bilong Japan, aninit long Grasruts Himan Sekyuriti Projek (GGP) i bin givim K210, 072 i go long Amba Demonstresen Pramereri skul long Lae bilong bildim tupela stori pemenen dabel klasrum. As tingting em long givim spes long ol skul pikinini husat i no bin gat inap klasrum na sampela i save gat skul ausait na aninit long ol diwai. O ol i paspas wantaim na skul.

Nau, olgeta wok i pinis na ol tisa na sumatin i ken sindaun gut na mekim ol wok bilong ol long dispela yia.

Long stat bilong nupela skul yia

wik, ol i bin wokim opening bilong dispela dabel bilding klasrum.

Sif bilong Misin long Embasi bilong Japan long PNG, Kazunori Kawada, i bin stap long Amba taim opisel opening bilong ol klasrum i kamap.

Mista Kawada, taim em i tok amamas long projek i pinis gut, i bin askim skul na ol sumatin long lukautim gut ol klasrum bilong helpim ol na ol narapela sumatin bai kam long ol yia bihain.

Em i bin tok tu olsem dispela projek we i nau pinis bai strongim moa yet, wok pren na patna namel long Japan na PNG.

Helpim we Japan i givim long Amba Demonstresen skul em i wanpela long ol planti kontribusen we gavman bilong Japan i mekim long kamapim gut edukesen sevis long PNG we em (PNG gavman) i lusim olsem wanpela bikpela eria bilong helpim developim kantri.

# BSP OPEN SATURDAY

for School Fee Loan applications and school fee payments.

We know the importance of education so to assist you with school fee payments and your school fee loan, we are opening BSP branches this Saturday 9 to 3pm.

Successful school fee loan applicants will be offered promotional savings on the BSP school backpack and pencil case. (Limited stocks apply)

OPENING HOURS 2010  
9:00AM - 3:00PM

www.bsp.com.pg

# YWCA amamas long Gavana Parkop

YANG Wimens Kristen Asosiesen (YWCA) bilong PNG, i tok amamas long Nesenel Kapitel Distrik Gavana, Powes Parkop, long kisim 10-pela nupela bas bilong mekim ron insait long Mosbi siti.

Presiden bilong YWCA, Elizabeth Joseph, i autim

tok tenkyu i go long Mista Parkop long givim ol meri na pikinini bilong dispela kantri "seif na gutpela pablik trenspot" we ol i ken pilim seif long i go na i kam na helpim long ol liklik wok ol i mekim long kisim kantri i go het.

"Planti meri insait long

kantri i stap insait long infomol sekta na givim sevis long salim ol seken han klos, salim kaikai, henkraf na ol narapela liklik bisnis moa.

Tu, planti i wok long ol sevis eria, imejensi, gavman na praivet sekta. Tasol planti samting i ban-

isim ol meri na ol i no pilim seif," Mis Joseph i tok.

Em i tok pilim i no seif em bikpela samting i stopim ol meri o i stap olsem banis long mekim gut ol wok bilong divelopim kantri.

Em i tok i no ol meri tasol we i save bungim ol hevi

long ol man i paitim, bagarapim na rabisim ol long ol pablik trenspot, tasol ol pikinini meri, ol lapun na ol lain i gat sampela bagarap long bodi bilong ol.

Olsem na taim em i amamas long 10-pela nupela bas we Gavana

Parkop i kisim bilong yusim olsem ol PMV long Mosbi siti, em i askim ol narapela politikel lida long bihainim piksa pasin bilong Mista Parkop husat i tro-moim mani long eria we bai helpim stret pipel na moa yet, ol meri na ol pikinini.

## Ol asples mama Morobe laik sanapim maket long Lae siti

Paulus Tali i raitim

OL meri Morobe i laik kirapim wanpela maket bilong ol mama Morobe long siti yet.

Ol i bin holim wanpela spesel bung long dispela na askim Morobe Provinsel Gavman long givim ol sapot long dispela.

Dispela bung i bin kamap bihainim wanpela bung pas-taim wantaim het tok, "Empowering Women" o Sapotim gut ol meri. Ol meri bin go pas long dispela woksop bung em Delilah Kelly, Loujaya Tony na Jackie Baur.

Ol dispela lidameri i bin sapotim dispela tingting long kamapim wanpela maket yet bilong asples mama Morobe insait long siti. Na ol i tok long Lae Siti kaunsel edministresen i mas sapotim maket bilong ol asples mama i mas kamap insait long siti. Mis Baur i sori long lukim ol asples mama Morobe bilong Waweb Distrik olsem Bukawa, Situm, Aloki na Gabadik bikos nau, ol mama Hailans i no save givim ol sans long maket long Lae siti.

Long wankain taim, Palamen Memba bilong Makam, Koni Iguan i tok em i ol meri na maket bilong ol asples Morobe meri i mas sanap long siti. Em i salensim Lae Siti Kaunsel long lukluk moa long hevi bilong ol meri Morobe long maket i mas kamap na helpim ol.

## Ol bisnis meri bai bung long Morobe

Paulus Tali i raitim

WANPELA ekspo o so bilong ol Meri long Bisnis bai kamap long Lae, Morobe provins, stat long neks wik Fraide, Februari 26.

So bai kamap long tripela de long Sen Ignasius Stadium long Lae.

Dispela em namba wan kain so ol meri long bisnis sekta bai putim kamap long en.

Long dispela so, ol meri bai kisim helpim, infomesen na save long kamapim na lukautim ol bisnis long ol sampela saveman long gavman na praivet sekta.

Long dispela taim, ol meri bai gat sans long soim ol save bilong ol long ol samting ol i mekim bai

ol i putim i go aut long ol stol o tebol.

Ol wok redi i go het nau bilong putim kamap dispela so we ol meri bisnis-meri lida olsem Janet Sape na Maria Kalap i go pas long en.

I gat bilip olsem moa long 1,500 meri bai kam long olgeta hap bilong PNG long dispela bikpela bung.

Meri i go pas long Wimen in Bisnis (PNG-WIB), Janet Sape, i tok dispela so inap kamap long las yia, tasol sik kolera i bin stopim. Na nau, ol bai mekim.

Morobe Gavana, Luther Wenge i sapotim dispela so na em yet bai opim.

Ol bisnis i givim sapot long so em long Niugini

Tebolbets we i givim K3,500 long ranim dispela so; Koka Kola Amatil (Coca Cola Amatil) bai givim sapot tu; na ol narapela kampani moa i stap long Lae.

Misis Sape i tok ol meri yet bai lukatuim tu ol polis husat bai mekim wok sekyuriti long so.

Mak bilong baim long go insait long so em: K4 long ol bikpela manmeri long wanpela de; K2 wanpela de long ol sumatin na ol pikinini i abrusim 13 kris-mas pinis; na K1 long ol pikinini krismas i daunbilo long 13.

Bilong rejistaim ol liklik haus yu sanapim long putim tebol na putim ol samting, hia em ol manimak bilong baim.

Ol wan wan bisnis lain bai peim K300; ol medium o bikpela liklik bisnis bai peim K1,000; ol bikpela bisnis, gavman na dona ejensi bai peim K2,000; na ol lain i kam long ausait long Morobe provins bai peim K300.

Ol ogenaisa i askim ol meri, bisnis na ol grup long hariap banisim spes bilong ol. Yu laik banisim spes o rejistaim bisnis bilong yu long stap insait long so, ringim Maria Kalap long telipon namba 3235816, Janet Sape long 76853844/72378087 o Lae Ekspo opis long 4722844. Feks namba em 4722810 o long Dijisel telipon namba 73352511 o salim email i go long png-wib@yahoo.com.

## Raun Lukim ol Meri na Pikinini



MERI BUNG: Ol meri i harim toktok bilong bik bosmeri bilong Yunaitet Nesens Developmen Progam long Nu Yok hetkota, Amerika na pastaim Praim Minista bilong Nu Silan, Helen Clark. Klostu 200 meri i bin stap long bung long haus Palamen long dispela wik Mande long harim ol toktok bilong bikmeri long Jenda na ol Milenium Developmen Gols we PNG i mas inapim kam via 2015.



MAKIM OL YANGPELA: Tupela yangpela meri long namel, Christine Kehali na Louiseanne Laris i makim ol Bogenvil yut long bungim na karim ol toktok bilong UNDP bikmeri, Ms Helen Clark long Mosbi las wiken inap Mande em i go bek. Long hankais em Elizabeth Burain, presiden bilong Bogenvil Wimens Federesen. Na long hansut em Hilary Ravi, bikman bilong Palamen sekyuriti. *Ol Potos: Veronica Hatutasi*

# Australia gavman i no amamas long Oposisen wantaim ol asailum sika

**GAVMAN bilong Australia i autim strongpela toktok long we ol lain Oposisen i yusim ol namba bilong ol aplikesen bilong ol asailum sika husa ti laik kam long Australia.**

Federal Oposisen i tok, namba bilong ol aplikesen bilong ol asailum sika i bin putim long kam long Australia i no soim olsem ol narapela i kamap raun long wol.

Em i tok, ol namba i kam long Yunaitet Nesens Hai Komisin bilong ol Refuji i soim namba bilong ol aplikesen bilong kam long Australia i bin go antap long 30 pesen, long 2009.

Tasol olgeta kantri i no yet putim daun ol namba bilong ol bilong 2009.

Na Imigresen Minista, Chris Evans i tok, data o namba nau ol i gat i soim olsem insait long ol kantri husat i bin kisim bikpela namba bilong ol asailum sika, i soim namba bilong ol aplikesen bilong 2009 i no bin narakain tumas long namba bilong 2008.



**RAUSIM BOT LONG BIRUA:** Tupela yangpela man i rausim liklik bot bilong ol long Pago Pago haba. Ol polis opisa i putim was. Ol i rausim bot bilong ol long solwara long haitim long bikpela Tropikal Saiklon Rene i wok long makim Amerika Samoa long Fraide las wik na i ron i kam long Pago Pago dispela wik. (AP Poto i kam long AAP Images)

## Australia tokaut long bia hevi bilong ol soldia

**DIFENS** Asosiesen bilong Australia i tokaut long amamas bilong em long namba tu bilong ol Am Foses bilong Australia i tokaut stret long planti long ol soldia long difens fos i gat hevi bilong bia.

Neil James bilong Asosiesen, i tok military i gat ol polisi i stap pinis bilong traime pasim pasin bilong dring bia, tasol i painimaut long ol rot bilong strongim dispela polisi bai em i wok gut.

Em i tok, alkohol i no gutpela long strongim tingting bilong ol ami yunit, long strongim tingting bilong ol long harim tok o long sait bilong strongim bodi.

## Kambodia laik bringim hevi bilong bodia wantaim Tailen i go long wol kot

**OL MIDIA** ripot long Kambodia i tok gavman i wok long mekim redi ol ligel pepa em bai putim i go long Intanesenel Kot bilong Jastis long kantri The Hague, long ol komplek i kam wantaim ol kros em i stap longpela taim pinis wantaim Tailen.

Mausman bilong Kambodia Foren Ministri, Koy Kyong, i tok ministri i bin kisim ol oda i kam long Praim Minista, Hun Sen, bilong rereim ol pepa bilong Preah Vihear tempol.

Em i tok tu olsem, Kambodia bai kisim dispela bodia kes wantaim Tailen i go long Intanesenel Kot ov Jastis, na tu i go long Yunaitet Nesens Sekyuriti Kaunsil.

Nau yet, i gat ripot i tok Praim Minista bilong Tailen, Abshisit Vejjajiva, i bin tok gavman bilong em i mekim ol diplomatik samting bilong lukim olsem, ol kros wantaim

Kambodia i no go nogut.

## Ripot long Amerika na Pakistan holimpasim top komanda bilong Taliban

I **GAT** ripot long ol Sikret Ejen bilong Amerika na Pakistan i holim pasim top komanda bilong Taliban.

Ol i tok, Mullah Abdul Ghani Baradar, i namba tu bilong Muhammad Omar, husat i bin kirapim Taliban.

New York Times i ripot olsem, ol i bin holim pasim em sampela de i go pinis long wanpela sikret operesen long Karachi.

Em i tok, man nau i stap long lukaut bilong Pakistan wantaim ol US opisal i stap insait long ol toktok wantaim em.

Barader i bin wanpela gutpela pren bilong Al-Qaeda Lida, Osama Bin Laden, pastaim long Septemba 11 birua i bin kamap long Yunaitet Stets long 2001.

Wanpela US opisal em ol i no laik tokaut long nem bilong em i bin tokaut olsem ol i gat bilip olsem dispela ares bai mekim ol i painim na kisim tu ol narapela sinia Taliban opisal.

Niuspepa i bin raitim kamap stori bihain long ol US opisal i bin tokaut olsem nius ares bilong Baradar i bingo bikpela long rijen.

## Tonga abrusim bikpela birua i kam long saiklon

I **LUK** olsem Tonga i abrusim bikpela bagarap na hevi tru we Tropikal Saiklon Rene i bin hamarim em.

Dispela saiklon i bin bringim win em strong bilong em moa long 200 kilomita long wan aua taim em i bin hamarim bikpela ailan bilong Tongatapu, wantaim tu Nuku'alofa, kap-

ital bilong Tonga.

Tasol pawa na wara i stat kat yet long bikpela ailan na ol i ting ol sevis bai kamap gut gen long ol de i kam.

Long dispela taim, ol pipel nau i kisim wara bilong dring na wasim samting i kam long ol wara tang.

Ripot long Tonga, Pesi Founa, i tok i bin gat ol samting i mekim i lukim olsem, ol i abrusim moa bagarap long Tonga.

## Australia Tred Minista bilip ol inap statim gen toktok long Doha frit red dii

**TRED** Minista bilong Australia, Simon Crean, i bilip yet olsem ol inap pasim agrimen em ol i bin nap long pasim longpela taim i go pinis. Em long dispela Doha Fri Tred dil long dispela yia.

Dispela agrimen i laik helpim ol developing kantri i apim ol tred bilong ol i go long ol narapela kantri long wol.

Ol toktok bilong Doha agrimen i bin wok long go het nau long sampela yia na ol i tingting namel long sampela treading blok i bin stap namel long mekim kamap dispela dil.

Mista Crean i tok, ol i ken nap pasim agrimen dispela yia, wantaim tu long Amerika, long taim bilong Yunaitet Stets mid tem kongresenal ileksen em bai kamap dispela yia.

## Australia palamen laikim stori long Fiji

I **BIN** gat askim i go long Foren Minista bilong Australia, Stephen Smith, long autim wanpela strongpela toktok i go long Palamen long pasin poroman bilong Australia wantaim Fiji.

Jemima Garrett i ripot long dispela askim o singaut bihainim stetmen bilong Mista Smith i go long Palamen, long Bema long wik i go pinis.

Dispela stetmen bilong Mista Smith long Bema, i soim wanpela senis bilong polisi na bikpela helpim moa long humaniterien helpim, maski i gat i go het long military gavman i kontrolim kantri. Dairekta bilong Lowy Institut Myer Melanesia Progrem, Jenny Hayward Jones, i tok Fiji, wankain olsem Bema, i wok long gat poveti na helt na edukesen i wok long go daun, na wanpela stetmen long palamen na moa helpim, em samting ol i laikim. Mis Hayward Jones i tok, i tru Australi i klostu moa wantaim rilesens bilong em long Fiji, planti Australia i no save long wanem samting i wok long kamap long hap, na i mas i gat gutpela na klia toksave long en i kam long Australia gavman.

## Bema: Amnesti Intanesenel askim gavman long stopim ol plasin nogut

**AMNESTI** Intanesenel i wok long mekim strongpela askim i go long gavman bilong Bema long stopim pasin we ol i mekim sindaun bilong ol liklik lain manmeri i go nogut, pastaim long ilkesen em ol i makim long klostu long pinis long dipsela yia i kamap.

Amnesti i bin autim wanpela ripot long ol nupela infomesen long ol pipel ol viktim bilong humen raits abius, na i stori stret long kilim dai, kisim na i go haitim, ol reip pasin, wantaim tu pasin bilong paitim ol man nating na lukdaun pasin ol i mekim long ol liklik lain pipel.



# Man yusim mani long grisim meri

PLANTI bisnis lain na mani lain save mekim kainkain stail na pasin long ol meri bikos ol ken givim mani long ol meri na pasim maus bilong ol.

Ol save olsem ol meri painim mani tu ya.

Sapos Kot i ken painim wanpela man i asua long bagarapim meri (reip) o grisim ol meri wantaim mani na paolim ol bai yumi ken tok olsem dispela kain pasin em stap insait long komyuniti na kantri bilong yumi.

Wanpela memba bilong Palamen bin go long kot bikos em pulim meri bilong narapela man.

Meri ya lusim man na ol pikinini bilong em na maritim pinis dispela memba na gat pikinini nau long em. Dispela bin kamap long kot bikos man bilong meri ya bin kotim memba ya wantaim meri bilong em. Olsem na yumi ken tok olsem bikos memba ya em bikman wantaim planti mani, turangu meri ya wantaim planti mani, turangu meri ya wantaim planti mani, turangu meri ya wantaim planti mani, turangu meri ya wantaim planti mani.



kam pas long em.

Wanpela yangpela meri long Hailans bin tokaut olsem em no inap pinisim gut skul bilong em bikos em gat bel long wanpela memba bilong Palamen. Em wari nogut tru bikos olgeta samting em driman long kamapim bihain taim i no inap kamap nau. Yu save, bikman ya em memba ya. Em gat planti mani na em laikim planti meri ya. Olsem na poket bilong em bai pulap long mani olgeta taim long grisim ol meri ya.

Insait long Papua Niugini nau, planti marit i bruk pinis bikos ol meri lusim man bilong ol na go maritim narapela man. Ol man tu lusim ol meri pikinini bilong ol na go maritim ol nupela yangpela meri.

Ating wanpela bikpela hangamap tasol na pawa bilong memba ya pulim em

lukautim mi gut.

Ol man tu ting olsem, lusim olupela meri bikos pasin bilong em no senis. Kros kros nating nating, bos bos long olgeta samting, no save long lukautim gut mani o em bun slek pinis na lapun pinis. Em no inap stretim gut wari na laik bilong mi sapos mi askim em long kam slip klostu long mi. Ol man save gat sampela kain eskius olsem long maritim nupela meri.

Tasol ating em no as tru. Bikos ol man yet save laik raun dring bia na pati long ol pati hap na ol bungim ol yangpela meri. Kainkain mauswara kapsait long wan botol tasol na em nau, ol statim pasin poroman nau. Mobail telepon bai ring klostu klostu long apinun taim wok pinis na long wiken taim.

Planti famili laip i bagarap pinis na planti pikinini no kisim gutpela skul bikos ol nogat strongpela famili long lukautim na strongim ol gut. Ol go skul tasol tingting bilong ol

no stap stret bikos ol gat sampela hevi na wari insait long bel na tingting bilong ol.

Pasin bilong ol man long rispek long ol meri no stap moa. Ol ting meri ya em kam gut ya na ol laik tromoi huk long em.

Pasin bilong soim rispek long ol meri em wanpela bikpela samting ol man mas stat long soim bikos em wanpela rot tasol bilong daunim ol kainkain hevi we i wok long bagarapim na brukim planti famili laip tude long kantri bilong yumi.

Tingim, 10-pela Lo tok, yu noken mekim pasin pamuk.

Yu no mekim pasin pamuk tasol long slip wantaim narapela man o meri bilong narapela man.

Yu mekim pasin pamuk pinis taim yu lukim meri na ai bilong yu mangalim em na belbilong yu seksek stret long em.

Em yu mekim pamuk pinis.

Em bikpela sin long ai bilong God.

## WANTOK KOMENTRI

### Senisim tingting, senisim kantri

SAPOS yumi olgeta senisim tingting bilong yumi long lukim gutpela bilong kantri bilong yumi, bai yumi inap senisim kantri bilong yumi o nogat?

Sapos olgeta wan wan pablik sevan i statim wok long 7.45 moning, mekim gut wok bihainim stretpela pasin, na pinisim wok long 5 kilok, bai olgeta wok bilong pablik sevis i ron stret?

Sapos olgeta manmeri i save salim buai i tingting gut na i salim long ples bilong salim, bai ol taun na pablik ples bilong yumi i klin?

Sapos ol draiva bilong yumi long rot i bihainim stret lo bilong ronim kar, bai yumi inap stopim ol rot biru i kamap?

Sapos ol bisnismanmeri i bihainim stret gutpela pasin bilong wok bisnis, bai yumi inap baim ol gutpela kwolati samting long stua?

Na sapos ol lida bilong yumi i no gat pasin bilong gridi long mani na laikim biknem tumas, bai yumi ol pipel i harim tok na bihainim pasin bilong ol o nogat?

Sapos yumi PNG inap long mekim olgeta dispela samting, bai yumi wanpela top kantri, laka?

Bekim bilong olgeta dispela askim, i no samting bilong gavman long givim. I no samting bilong len trenspot bod long givim, na i no samting bilong NCDC long givim.

Nogat.

Bekim bilong olgeta dispela askim i stap long wan wan bilong yumi ol pipel bilong dispela kantri, long givim.

Yumi wan wan i save long stretpela samting long mekim, na yumi ken bihainim stretpela rot.

Planti taim, yumi save tok yesa long bihainim sotkat rot long kisim samting yumi laikim.

Long dispela tingting tasol, bai yumi wok pundaun yet.

Nau bai yumi lukim wok kaunim bilong olgeta manmeri bilong yumi long kantri. Na taim dispela bikpela wok i pinis, bai yumi ken save hamas manmeri i stap long taun. Hamas manmeri i ronawe lusim ples na stap nating long ol taun na siti, na bai yumi save hamas manmeri i nogat skul, i nogat wok, na i stap nating na kamapim bikhet pasin i stap.

Na bikpela samting tru, bai yumi save long strong bilong ol pablik sevis we i mas lukautim yumi pipel bilong kantri.

Em i taim bilong senisim tingting. Em i taim bilong luk-save long yumi pipel bilong PNG, olsem wanpela kantri.

Sapos yumi nap winim olgeta dispela luksave, bai yumi ken painim gutpela taim nau, na long bihain tu bilong ol yangpela na tumbuna bilong yumi.

Yumi inap mekim. Yumi PNG ya. I no nem nating.

## WANTOK

Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia  
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

# Bikpela Makapa Timba opim em yet long wok-glasim long FSC

James Kila i raitim

**WANPELA** bikpela bus o fores eria mak bilong en olsem 300,000 hekta insait long Westen provins, i soim laik bilong en pinis long go insait long gutpela fores wok menesmen long sait bilong lukautim bus, graun na wara.

Olsem na kampani i go pas long katim diwai long ples Makapa em Innovision (PNG), i larim wanpela indipenden lain bilong Amerika ol i kolim long Scientific Certification Systems (Saintifik Setifikesen Sitem) long go karimaut wok painimaut na glasim wok bilong dispela bikpela fores eria insait Westen provins.

Dispela em ol i save kolim Forest Stewardship Council (Fores Stewadsip Kaunsil) Fores setifikesen.

Namba wan wok redi long go insait long dispela fores setifikesen i bin kamap long las wik taim wanpela saveman nem bilong Amerika nem bilong em Dokta Robert Hrubes bilong Scientific Certification Systems (SCS) long California i bin mekim lukluk raun i go long dispela bikpela forestri projek insait long Westen provins.

Makapa timba long Westen provins i stap aninit long menesmen bilong Innovision (PNG). Dispela kampani em liklik susa kampani bilong Sabah Foundation bilong Malaysia. Jeneral Menesa bilong IPNG, Oscar Mamalai na ol fil wokman bilong em i redim ol yet long karimaut wok na tu larim narapela indipenden kampani long glasim wok bisnis bilong ol.

"Mipela laik mekim gutpela samting insait long forestri na fores menesmen na mipela i opim mipela yet long ol ausait lain long glasim na karimaut ol wok painimaut i go insait long wok bisnis bilong mipela.

"Mipela i bilip olsem gutpela rekot bilong FSC insait long wol i soim olsem FSC setifikesen long Makapa bai helpim mipela long mekim gutpela wok na senisim tu ol kain kain tingting nogut ol ausait lain i save gat long wok forestri insait long PNG," Mista Mamalai i tok.

Dispela lukluk raun na wok painimaut bilong FSC bai luksave long sampela ol bikpela eria long sait bilong wok em Innovation, i mas lukluk long stretim insait long ol mun i kam bihain.

Wanpela ripot i tok olsem Makapa Timba i redi long wokim kamap gut ol wok bilong en long sait bilong forestry na i wet tasol long fainol ripot em ol dispela lain bilong Amerika i mekim bihain long wok painimaut bilong ol.

Dispela wok glasim (scoping) em FSC i mekim em bikpela samting tru namel long ol kain kampani husat i save katim ol diwai insait



Left: FPCD Eksekutiv Dairekta- Mr. Yati A. Bun(namel) Dr. Robert Hrubes bilong Scientific Certification Systems na FPCD ofisa Dickson Aisa long Makapa mekim wok.



Poto i soim bus long Makapa fores eria long Westen provins.

long bus bilong PNG. Moa long en tu dispela timba eria long Westen provins em bikpela eria tru we kampani i save katim bikpela namba bilong diwai tru.

Dispela wok long sait bilong setifikesen o givim setifiket long dispela kampani long em i mas mekim gutpela wok long lukautim bus, graun na wara long we wok bisnis bilong kampani i kamap long en.

Dokta Robert Hrubes em wanpela bikpela saveman husat i wok moa long 25-yia long sait bilong glasim ol fores o bus long wol.

Mista Yati A. Bun bilong Foundation for Peoples and Community Development Inc (FPDC), i tok olsem wok bilong fores setifikesen long komyuniti forestri i kamap pinis pastaim long PNG.

"Wanem samting long mekim nau em long bringim dispela kain wok i go long ol bikpela timba kampani husat i save katim diwai. Na FPCD i amamas long wok bungwantaim Innovision long statim dispela wok long redim ol yet long kisim setifiket o pepa long senisim wanpela wei ol i save mekim wok long katim diwai insait long PNG.

"Mipela i bilip olsem dispela em i gutpela long PNG na i soim tu gutpela piksa long sait bilong kantri long ovasis long sait bilong forestri," Mista Bun i tok.

Dispela raun bilong ol lain bilong Amerika i kamap wantaim mani sapot i kam long International Tropical Timber Ogenaisesin (ITTO) we PNG tu em i memba long en. Long 2008, ITTO i bin askim long sampela proposal o wok plen long ol Praivet Sekta Sipil Sosaiti Patnasip i go long Gutpela Fores Menesmen na setifikesen. FPCD wantaim Innovision i bin putim wok plen bilong ol i go long ITTO na i kisim tok-orait na mani i kam long mekim dispela wok.

Dr. Robert Hrubes of Scientific Certification Systems i mekim wok raun long Innovision (PNG) Ltd timba eria long Makapa, Westen provins.



STAIL MANGI: Paul Aiton i soim stail bilong em long kala bilong PNG Kumuls. Em bai pilai wantaim Cronulla Sharks long strongpela NRL kompetisin na i sapotim tru MVIL PMV Draiva Kompetisen. POTO: Andrew Molen

# Paul Aiton na famili redi long lukautim ol PMV draiva bilong PNG ...long NRL gren fainol

LEIGH BOIN na JAMES KILA i raitim

STAIL huka bilong na ragbi lig pilaia bilong Cronulla Sharks insait long strongpela NRL Ragbi Lig Kompetisen long Australia, Paul Aiton i amamamas olsem 2010 sisen klostu bai stat nau.

Aiton, husat i bikpela long Mt Hagen long Westen Hailans provins i tokaut olsem em wantaim femili bilong em bai amamas tru long lukautim 15-pela PMV draiva bilong PNG husat i win long dispela MVIL PMV Draiva Kompetisen.

Dispela MVIL PMV Draiva Kompetisen i op pinis na ol draiva i mas rejista nau long i gat naispela sans long win na kisim tiket long go lukim NRL.

Aiton amamas tru long tok olsem kompetisen we i givim sans long 15-pela PMV draiva bilong PNG long go lukim NRL gren fainol tu i stap open yet.

Aiton i tok olsem klostu mun Februari i pinis nau na rejistresin i stap yet. Dispela toksave bilong Aiton em long dispela kompetitisen Motor Vehicle Insurance Limited i ronim long promotim "Sefti - Em ino wanpela Pilai" we i lukluk long gutpela pasin na rot long sefti bilong yusim rot na draiv.

"Dispela em naispela sans tru bilong ol wina, na mi ino inap wet long bungim ol dispela draiva. Tasol namba wan samting tru em olsem ol draiva i mas rejista long stap insait long kompetisen," Aiton i tok.

Ron bilong dispela NRL Draiva Kompetisen i bin op long Februari na bai i pas long Februari 26. Tai mol draiva i mekim dispela ol bai kisim wanpela siot na rejistresin stika bilong kar na stap insait long dispela kompetisen. Tasol bikpela samting em ol i mas promotim sefti bilong gutpela wei bilong draiv na sevim laip bilong ol pasindia long PMV, ol manmeri i wokabout yusim pablik rot na tu ol bas i ken stap long gutpela kondisen na givim gutpela servis long ol manmeri.

Sif Eksekutiv Ofisa bilong MVIL, Dokta John Mua i askim igo long olgeta draiva long soim intares bilong ol long dispela sefti kompetisen na go lukim ol MVIL trafik rejistri ofis we i stap long ples klostu long ol na tu ol ejensi bilong MVIL long rejista.

"Dispela em wanpela naispela sans tru na we ol PMV draiva bai lukim dri-man bilong ol i kamap tru long go lukim bikpela NRL gren fainol long Sidni, Australia,

"Olsem na pastaim long kompetisen i stat long mun Mas ol PMV draiva i mas gohet na rejista nau," Dr John Mua i tok.

"Mi ting olsem sore tru olsem PNG i luksave pinis long pasin nogut em ol draiva i save kamapim na ol nogut rot kondisen," Paul Aiton i tok.

Aiton i tokaut tu olsem em i tokim mama bilong em pinis long noken kisim PMV we i nogat sefti stika bilong NRL PMV Draiva kompetisen i stap long en.

# WIN a chance to go to the 2010 NRL GRAND FINAL\*

HURRY, ENTER FROM 1-26 FEBRUARY 2010



## MVIL'S PMV NRL DRIVER COMPETITION

It's time to get serious about PMV road safety, so we are rewarding serious PMV drivers.

MVIL's PMV NRL Driver Competition is open to every licensed Class 6 PMV driver and encourages good driving practice and driver responsibility for passenger safety.

15 lucky PMV drivers will WIN an all expenses paid trip to the 2010 NRL Grand Final in Sydney — hosted by Paul Aiton and Neville Costigan including airfares, 2 nights accommodation, premium seat tickets, all meals and transfers!\*

## IT'S EASY TO ENTER

Each driver will need to register at any MVIL traffic registry office or MVIL agency from 1-26 February 2010 and complete the "PMV NRL Driver Competition" entry form and provide their license. Upon successful completion every driver will receive a specially designed "ROAD SAFETY - it's not a GAME" players shirt and car flag. Football logo stickers and passenger limit stickers will also be fitted to each registering driver's vehicle. Drivers caught drink driving, speeding, overloading and driving irresponsibly will be removed from the competition by a special task force set up to monitor PMV Drivers. Task force members will each be equipped with breathalisers and speed radar guns.

Conditions apply: The competition will be open for entry from February 1 to February 26 and will commence from March 1, 2010 through to August 31, 2010. To be eligible to be in the draw for the prize, drivers must not incur any driving infringement notices in this time. Drivers caught drink driving, speeding, overloading or driving in a manner dangerous to the public will be removed from the competition by a special task force set up to monitor and police the PMV drivers. Task force members will each be equipped with breathalisers and speed radar guns and will carry infringement notice books to issue written notice to rule breakers. Drivers caught breaking the rules will not receive fines but will be removed from the competition, as will any driver who fails to stop at any road block set up for the NRL Driver Competition. All drivers that remain in the competition at the end of August will be placed in the draw to be one of 15 to attend the 2010 NRL Grand Final. Winners will be flown from destinations within PNG to Port Moresby and depart to Sydney on Saturday October 2. All winners will need to have or be able to obtain passports. The decision and draw of the competition is at the discretion of MVIL. No disputes or correspondence will be entered into.

ROAD SAFETY it's not a GAME

A road safety initiative by





Program bilong Wanwan De

Mande - Fraide

6am - 10am - Sankamap show - Host: K.A.S.T
6:15am - Komuniti Notis Bod
6:30am - Nius Hetlain / Bondei grittings
Trukai Rais - GES FAIA KOMPETISEN
6:45am - Nuspepa Hetlain
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Ston b'long Skelin Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN

9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Conf'd - Lukauti yu yet - Helt toktok
11:30am - Nius Hetlain b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde/ FONDE) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta

3:10pm - Avinun cruz
4:00pm - NIUS - YUMIFM Senta
4:10pm - FOAPELA KAM GUD LONG 4
4:30pm - Nius Hetlain
4:45pm - YUMI PAINIM WOK Segment
5:00pm - MAJOR NIUS BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR NIUS BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipin Kampani long ol nait shift.

Weekend Shift - Saturday & Sunday
6:00am - 11:00am - Wilen Sanrais
6:30am - Komuniti Notis Bod - Bondei grittings
7am - 9am - Wilen Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Tumer (KAS.T) Arifeae - Team Leader / Program Director
Angra KENNEDY - Senior Announcer
Sinimil (Vaviessie) Philipo - Promotions Co ordinator
Papa Raegs - Announcer Nenge Neings - Announcer
Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Spots
7.30PM Nius na Karent Afes
8PM Helt
8.15PM Musik
8.30PM NIUS
8.40PM Spots Riplei
8.55PM Musik
9PM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Mama Graun
8.15PM Musik/Spots
8.30PM NIUS
8.40PM Helt Riplei
8.55PM Musik
9PM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Focus
8.15PM Musik/Spots
8.30PM NIUS
8.40PM Mama Graun Riplei
8.55PM Musik
9PM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Youth
8.15PM Musik/Spots
8.30PM NIUS
8.40PM Focus Riplei
8.55PM Musik
9PM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karent Afes
8PM Wantok
8.15PM Musik
8.30PM NIUS
8.40PM Youth Riplei
8.55PM Musik
9PM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru...

"Tenkyu Powes" Bikpela skrin pulim planti

Nicky Bernard i raitim

OL MANMERI na pikinini long bikpela siti bilong yumi i ken amamas nau long lukim kainkain muvi piksa long bikpela skrin long ol pablik ples insait long Mosbi siti.

Em bikos Gavana bilong NCD, Powes Parkop i mekim isi long ol famili husat i les long stap long haus na lukim TV bilong ol, em ol i ken kam aut na kisim win na lukim piksa long bikpela skrin.

Las wik Sarere long Jack Pidik Pak long 5 mail long Mosbi, ol manmeri i bin pulap taim Gavana Parkop i toksave olsem em bai putim bikpela skrin long tupela hap bai ol manmeri na pikinini i ken lukim dispela bikpela ragbi lig pilai namel long ol biknem pilai bilong NRL, na ol blekman bilong NRL.

Dispela pilai i no bin kamap long wanem, siknel bilong EMTV i no bin kamap gut, tasol dispela i no stopim ol lain bilong Gavana, ol i putim sampela muvi piksa na ol manmeri na pikinini i bin amamas tru long lukim, maski ol bel kros taim piksa i kamap, kros bilong ol i slek isi isi tasol, na ol i lukluk piksa.

Dispela pilai graun long 5 mail i bin pulap long ol kar long sait sait, na long namel em ol manmeri na pikinini we haus bilong ol i stap klostu, i bin wokabaut i kam na sindaun. Ol lain husat i kam long kar i sindaun insait tasol long kar na lukim piksa. Husat manmeri na pikinini i les long lukim piksa, em ol i wokabaut tasol i go long wara



MUVI TIATA: Planti manmeri i amamas long Gavana Powes Parkop long kamapim bikpela skrin we ol pipel ken sindaun tasol autsait long pak na lukim muvi. Long poto ol manmeri wetim muvi long stat. Poto: Nicky Bernard

faunten na lukim ol kain kain naispela lait bilong en.

Gavana Parkop i traim long bringim bek dispela kain pasin we bipo ol manmeri na pikinini long Mosbi siti save gat ol bikpela sinema o haus piksa we yu ken go nab aim get na lukim piksa long bikpela skrin. O yu ken kisim kar bilong yu go insait long get na sindaun isi tasol long kar bilong yu na lukim piksa.

Dispela kain samting olsem i bin kamap bipo long 1970 na 80, tasol

nau em i nogat. Olsem na Gavana Parkop i traim long bringim ol dispela kain samting i kam bek long amamasim ol famili.

Tingting na save bai stap long yumi wan wan manmeri na pikinini, sapos Gavana i bringim bek ol dispela samting i kem bek, bai yumi lukautim o nogat?

Em tingting i mas stap long yumi wan wan yet, sapos yumi laikim ol dispela samting long kamap.

Dispela nait long Sarere, wik i

go pinis i bin gutpela tru. Wan wan famili i sindaun bung bilong ol yet na lukim piksa. Sampela sindaun long kar bilong ol na mekim fani, tasol ai bilong ol i go long bikpela skrin.

Long 10 kilok nait, ol lain bilong Gavana Parkop i pasim piksa na larim ol manmeri na pikinini i isi isi na go bek long haus.

Tenkyu Gavana Parkop. Mipela i wetim yu tasol long neks taim gen.

EMTV Television Guide

FONDE FEBRUERI 18, 2010

5.00AM G JOYCE MEYER - Religious Program
5.30AM G TODAY
9.00AM EMTV PRIME TIME LINEUP
2.59PM STATION OPEN
KIDS KONA
3.00PM G PINKIE PIXEL
3.30PM G HI-5
4.00PM G THE SLEEPOVER CLUB
4.30PM G THE SHAK
5.29PM G EMTV NEWS UPDATE
6.00PM G NATIONAL EMTV NEWS
6.30PM G A CURRENT AFFAIR
6.59PM NEWS UPDATE IN TOK PISIN
7.00PM G SPORTS SCENE (return for 2010)
\*\*ALL NEW\*\*
7.27PM G EMTV TOK SAVE
7.30PM G RAIT MUSIK
Produced by CHM, each week get a dose of your own, home-grown and locally produced video clips including the latest music video clips.

8.30PM PG ELITE MUSIC ZONE (...continue... (return for 2010))
\*\*ALL NEW\*\*
9.00PM PG SUPERSTARS OF DANCE 2nd Semi Final - Superstars of Dance welcome the world's greatest dancers from around the world to compete in an exhilarating, international dance competition. The stakes are high as the teams are not only representing themselves, but also their dance form and their entire nation.
10.00PM G NATIONAL EMTV NEWS REPLAY
10.30PM M LADETTE TO LADY
11.30PM Australia Network
FRIDAY, FEBRUERI 19, 2010
6.59AM G STATION OPEN
7.00AM G JOYCE MEYER: Enjoying Every Day Life
12.59PM STATION OPEN
1.00PM G ONE DAY SERIES AUSTRALIA v WEST INDIES From the Sydney Cricket Ground, Sydney.
5.00PM G HOT SOURCE

5.30PM G AUSTRALIA v WEST INDIES (...continue...)
5.55PM G CRIME STOPPERS
6:00PM G NATIONAL EMTV NEWS
6.30PM G AUSTRALIA v WEST INDIES...continue...
9.10PM G IN MORESBY TONIGHT (return for 2010)\*\*ALL NEW\*\*
10.00PM G SUPER 14 Round-robin competition between teams from Australia, New Zealand and South Africa.
12.00PM G NATIONAL EMTV NEWS REPLAY Repeat of the 6 o'clock main news bulletin
112.00PM Australia Network
SARERE FEBRUERI 20, 2010
11.30AM STATION OPEN
12.00PM G HI-5
12.30PM G THE SHAK
1.00PM THE SENSITIVE SAMURAI
2.00PM G SUPER 14 Round-robin competition between teams from Australia, New Zealand and South Africa.

4.00PM G MXTV MXTV is Australia's favourite dirt bike TV show and the choice and voice of dirt bike riders across the country. No matter what your discipline - whether it be Motocross, Supercross, Enduro, Trail Riding, Trials, 4-Wheeler's, Freestyle, Tricked or even just running around the farm on your ag bike, MXTV is the only place where you'll find out a bit about all that and much more.
4.30PM G STATE OF ORIGIN The Classic Matches - Relive the guts and glory of State of Origin Football as EMTV brings you the "State of Origin - Classic Matches".
6.00PM G NATIONAL EMTV NEWS
6.30PM PG AUSTRALIA'S FUNNIEST HOME VIDEO SHOW
7.30PM G OUR CHILDREN OUR HOPE OUR FUTURE
7.57PM EMTV TOK SAVE
8.00PM G SUPER 14
10.00PM PG IN MORESBY TONIGHT
10.30PM PG ELITE MUSIC ZONE
11.00PM G NATIONAL EMTV NEWS REPLAY

11.00PM G NATIONAL EMTV NEWS REPLAY
Midnight Australia Network
SANDE FEBRUERI 21, 2010
6:30AM G IT IS WRITTEN: It Is Written is an international, Christian television ministry dedicated to sharing insights from God's word with people around the world.
7.00 G HILLSONG
7.30AM Australia Network
12.59PM STATION REOPEN
1.19PM STATION REOPEN
1.20PM G ONE DAY SERIES AUSTRALIA v WEST INDIES From the Gabba, Brisbane.
5.00PM G TOTAL RUGBY
5.30PM G AUSTRALIA v WEST INDIES (...continue...)
6.00PM G NATIONAL EMTV NEWS
6.30PM G AUSTRALIA v WEST INDIES (...continue...)
9.00PM M SUNDAY NIGHT MOVIE: TBA

TORO



BIABIA



KANAGE



TOKWIN

Planti ol lain papagraun husat i save strong tru long kisim moni long rot long Simbu provins bai nau i stap wantaim bel-isi. Sif Seketeri bilong Gavman, Manasupe Zurenouc i bin go toktok wantaim ol las wik Gavman bai i givim sampela mani igo long rot long seksin bilong ples bilong ol. Dispela ol lain long Simbu provins i gat gut-pela risen long mekim olsem. Tasol sapos ol narapela lain i lukim kain pasin ol i mekim, planti moa askim bai kamap na ating dispela mani long stretim Hailans Haiwe bai pinis tasol long pasin bilong kompensasin tasol na wok tru long stretim rot long kisim ol sevises na ol narapela bikipela samting bai sot.

Ripoti i tokaut olsem sik kolera i kilim indai sampela manmeri insait long ol viles long Sepik riva. Tasol sampela lain i tokaut olsem sampela viles long Sepik Riva i wok long wasim saksak yet yusim wara bilong bikipela Sepik riva. Man, ating moa aweanes o helt extensin na toksave i mas goaut long ol pipel long dispela hap long yusim gut ol wara. Moa long en tu ating moabeta moa aweanes i mas kamap long sait bilong helt long sait bilong yusim gutpela klipela wara long ol pipel long yusim. Tingim Sepik wara em doti ya. Mariwana o spak-brus ino save gro long Karkar Ailan long Madang provins. Tasol planti ol yangpela man

long KRX Ailan i wok long spak planti tru long dispela spak-brus. Wanem rot tru dispela ol simuk nogut igo long Karkar em yumi no save. Polis i mas putim bikipela was nau long sekim na holim pas ol lain long spit-bot husat i karim ol dispela spak-brus long Hailans igo long ailan. Mariwana i wok long givim bikipela hevi long ol viles na haus-lain komyuniti long ailan. Wapela kaunsila long KRX i tok het bilong em i pen pinis bikos ol yangpela nau long ailan i save gat ret-pela ai olgeta taim olsem ol i spak long 5-pela katen bia o dring strongpela dring olsem Negrita Ram o kain samting olsem.

Tokwin Tasol...

Grid of letters for a word search puzzle.

Table listing school subjects and their corresponding teachers: BLAKBOT, KLEVA, TEBOL, PLAK, ING, TOKPISIN, SUMATIN, BUK, PEN, HAUS SUP, FLAKMAS, INGPEN, HARIM TOK, ASKIM, KALENDA, PENSIL, TOK INGLIS, FAUNTENPEN, LAINIM, PIKSA, KLAS, KAUNIM, KLINIM BLAKBOT, WINIM SKUL, PAS, SKULBOI.

Grid for a 9x9 Sudoku puzzle.

Grid for a 9x9 Ansa bilong las wik Sudoku puzzle.

Grid for a crossword puzzle titled 'Ansa bilong las wik Pasol'.

EMTV Television Guide

Large table listing EMTV television programs, times, and networks for February 22-24, 2010.





BJ Nagura: Ol i pilai raun long sampela bikpela wok pinis.



# Lae CT Nite Kru kisim seils ples bilong BJ Nagura ben

OL I kam insait long PNG Musik sat long tupela yia i go pinis tasol namel long dispela taim ol i mekim bikpela senis.

Dispela ben em CT Nite Kru, husat i bilong ples Mailu, namel long Sentrel na Milen Be provins.

Albam bilong ol em Tagela na ol i mekim bikpela sels long Lae, Morobe provins.

CT Nite Kru i bung wantaim BJ Nagura long kamapim nupela stail musik bilong Papua Niugini.

Em kain stail we planti ol yangpela bilong dispela taim i laikim long em.

Foapela man husat i kamapim dispela ben husat i kamapim singsing "More E", BJ Nagura, i pairap strong long Momase, Hailans na Niugini Ailans rijen wantaim gutpela maketing na seils distribusen bilong ol.

SVS Supamaketi helpim long mekim dispela seils na distribusen.

Dispela albam em Latitude Zero Prodaksens bilong Korobosea long Nesenel Kapitel Distrik i helpim long kamapim.

BJ Nagura i gat ol mangi husat i kam long Galp, Sentrel na Otonomes Rijin bi-

long Bogenvil.

Ol i bin bung na kamapim dispela albam long tupela yia i go pinis long studio bilong wanpela Bogenvil man em Harold Semoso.

Dispela ol mangi em Richard Ukia, David Mune Jr husat i bilong Kerema, Brian Lapila bilong Mailu Ailan na Bogenvil mangi em Jordon Semoso.

Ol mangi em krismas bilong ol i stap namel long 18 i go long 26.

Singsing bilong ol olsem Mori-e, Priti Gel na Yu Sei i no kisim longpela taim long ol i kamapim nem.

Eksekutiv produsa na pablisa Harold Semoso i tok long dispela grup Ukia i stap olsem menesa na liris bilong ben.

"Olgeta mangi i gat save long pilaim musik na dispela i soim long kamap bilong nem bilong musik bilong ol.

"Ol i gat save bilong raitim na singim ol singsing wantaim," Semoso i tok.

'Nagura' long tok ples bilong ol Mailu we i min Mejik i nupela pes i kamap long musik sat bilong PNG.

Mi ting BJ we i sanap makim 'Best Joints' i dispela masalai we i bungim gut kamap bilong dispela



Jordan Semoso: Man i bosim enjiniering bilong dispela albam.

ben taim tupela i kam bung wantaim namel long Me i kam long Septemba, 2008.

Tagela i nem bilong albam bilong ol tasol i nem bilong wanpela singsing insait long dispela kaset.

Nem Tagela tu i nem bilong wanpela ailan long ailan grup bilong Mailu i tokaut long stori bilong wanpela god we i kamapim ol manmeri bilong Mailu.

BJ Nagura i namba wan komesel hit ben bilong Lat-

itude Zero Prodaksens.

I tru nem bilong ol i kamap bikpela tasol mi pret olsem nogut ol manmeri bai no inap long laikim long wanem dispela em ol olpela singsing.

Oltaim ol manmeri i save laikim ol nupela singsing.

Em i no gutpela tu long sait bilong NB Nagura long wanem ol singsing bilong em i stap yet taim lid singa Uki i go bilong em yet na singim moa ol wankain

singsing long solo albam bilong en.

Long dispela as mi askim Uki long em i no mekim olsem.

Tasol sapos sampela gutpela samting i mas kamap, BJ Nagura klostu taim bai kamap na pilai long Lae Siti we ol bai pilai long 24 i go inap long 26 Februari, 2010.

Lae promota Dennis Seeto i hop olsem kamap bilong ol long dispela taim bai helpim ol long promotim albam bilong ol.

Ben i mekim nem pinis long taim ol i helpim Is Nu Briten Spot tim long mekim mani long kamap long 2009 PNG Gem long Mosbi.

Wantaim dispela ol i kamap long foapela promosen so bilong Bimobail long 2009.

"Mipela i no oganaisim ol tua long wanem ben i mekim ol wokabaut bilong en pinis long sampela ol bikpela senta long taim bimobail i mekim promosen wokabaut bilong en.

"Long dispela taim ol i pilai wantaim ol ben olsem Spaida Trakz.

"Long as mipela i bilip i moa gutpela long tromoi mani long redio edvetaising long wanem ol manmeri i

save pinis long mipela," Seeto i tok.

Manmeri i ken kisim kopi bilong TAGELA albam long ol SVS supamaketi na ol arapela gutpela stoa. Prais bilong albam em K19.90 na kaset i kos K13.90.

Long Jordon Semoso em i bin mekim ol rekoding na enjiniering wok stat long taim em i gat 15 krismas.

Plantu bilong dispela ol wok em i mekim long Bogenvil na bihain wantaim Frank Parkinson bilong Walter Bay studio long Gordons, Mosbi.

Jordon i bin kamapim inap olsem 8-pela albam olsem Soles Mates bilong Gogohe, Strivers bilong Selau, New Era bilong Hailans na ol arapela Bogenvil ben.

BJ Nagura i namba wan albam we i kamapim gutpela bilong Latitude Zero's Prodaksens studio bilong ol Semoso.

"Ol rekoding long Buka i givim gutpela save long Jordon long mekim kain wok olsem."

"Kain wok i mekim em i bilip long em yet na long pilaim ol ki bod we em i helpim long kamapim Tagela albam," Harold Semoso i tok.

# Raun wantaim Kanage olgeta wik



**NAME:** Perbi Kumi Edward  
**KRISMAS:** 30 (man)  
**ADRES:** Private Mail Bag AD 157, Adisadel P. O, Cape Coast, Central Region, Ghana, West Africa  
**SAVE LAIKIM:** pilai spots, ritim buk, lukim muvi, harim musik, kukim kaikai na swim.

**NAME:** Apena Mark  
**KRISMAS:** 18 (man)  
**ADRES:** Hoeti Elementry School, P O Box 105, Kerema, Gulf Provins  
**SAVE LAIKIM:** harim musik, mekim pren na raun lukim ol ples.

**NAME:** Vivian Sandy  
**KRISMAS:** 26 (meri)  
**ADRES:** P O Box CC1487, Roman Catholic Street, Central Region, Cape Coast, Ghana, West Africa  
**SAVE LAIKIM:** ridim buk, lukim TV, swim na mekim pren.

**NEM:** Luanne Akut  
**KRISMAS:** 19 (meri)  
**ADRES:** PO Box 102, Wewak, East Sepik Province  
**SAVE LAIKIM:** Raitim pas, pilai basketbol, harim musik na ritim buk.

**NEM:** Quito Pane  
**KRISMAS:** 20 (meri)  
**ADRES:** Kikori Secondary School, PO Box 25, Kerema, Gulf Province  
**SAVE LAIKIM:** Pilai spot olsem soka, wokim skul wok na raitim pas.

**NEM:** David Jason  
**KRISMAS:** 19 (man)  
**ADRES:** C/- Yonet Asuneng, PO Box 292, Tabubil, Western Province  
**SAVE LAIKIM:** Pilai spot, harim musik na raun lukim ol ples.

**NEM:** Nelson Alua  
**KRISMAS:** 21 (man)  
**ADRES:** Magarima High School, PO Box 33, Mendi, SHP  
**SAVE LAIKIM:** Wokim skul wok, pilai spot na harim musik

**NEM:** Ken Tom  
**KRISMAS:** 24 (man)  
**ADRES:** Pekai Contractors, PO Box 901, Mt. Hagen, WHP  
**SAVE LAIKIM:** Mekim pren, mekim fani, go lotu na pilai ol spot

**NEM:** Raymond Duatna  
**KRISMAS:** 25 (man)  
**ADRES:** PO Box 149, Goroka, Eastern Highlands Province  
**SAVE LAIKIM:** Brukim paiawut, wok long bus, wokim gaden na stori.

**NEM:** Alice Kipoua  
**KRISMAS:** 22 (meri)  
**ADRES:** Yawasoro Vocational School, PO Box 402, Wewak, ESP  
**SAVE:** Go lotu, harim musik, tok pilai, raun lukim ples na lukim CD

**Tok pisin i krangi**  
 KANAGE wantaim ol famili i go long gaden na ol i wok i go na avinun nau. Em nau Kanage i tokim ol famili, yupela digim ol taro kong kong na bai mi go kuk. Em nau bai yupela testim stail kuk bilong mi.

Kanage na ol pikinini sapim taro pinis na kukim long pot. Kaikai kuk pinis na Kanage i memeim olgeta taro insait long pot wantaim stik. Taim wok i pinis na em i redi, Kanage i stat long sutim kaikai bilong mama wantaim ol pikinini, ol kaikai pinis na liklik susa bilong misis i kam kamap na Kanage lukim em na tok, tambu sori tru mi kukim taro na mi sutim bilong mama, mi sutim bilong yangpela pikinini meri na las bilong junia. Sapos yu kam pastaim liklik ating bai mi sutim bilong yu tu. Tambu meri harim tok pisin i no kam gut na em tokim kanage laki bilong mi na mi kam leit, nogat bai yu sutim mi laip wan stret. Mama harim tok pisin i no kam gut, em tokim liklik bilong em, nau yu silip na tumoro tasol yu tek ov.

**Wally Anis**  
**Mt Hagen**  
**WHP**

**Rins wantaim rais**  
 KANAGE bilong ples Arowe long Wes Nu briten. Kanage i stap long ples i go na em i les pinis long kaikai gaden kaikai. Em i laik kaikai rais stret na ting ting bilong em i strong olsem em i mas go long taun na lukim brata bilong em. Brata bilong em i save wok wantaim forestri long Dami. Kanage i go kamap nau long taun na kisim ruts 3 go kamap long Dami. Brata blong Kanage i kirap nogut long em i kamap long haus. Pes taim bilong em long kam long Kimbe taun tu yahl! Brata bilong em i askim em, Kanage, wanem wari bilong yu stret na yu kam a? Kanage i no westim taim. Em i tokim brata bilong em olsem, mi laik rins liklik olsem na mi kam. Em i no tok stret olsem em i laik kaikai rais olsem na



brata bilong em i paul nogut tru na askim em wanem samting em rins? Kanage i tokim brata olsem mi stap long ples na mi tait long kaikai bilong gaden olsem na mi laik kam rins liklik long rais. Brata bilong em i lap long em na em i sem nogut tru na tok brats, nupela tok pisin bilong mipela ol mangi Arowe na noken paul, paul i no kam yet.

**Mice Hunter**  
**Original West**  
**Kimbe WNP**

**Skul tok bilong mama Kanage**  
 KANAGE na misis i gat wanpela pikinini meri tasol, taim em i liklik yet tupela i lukautim i kam inap nau em bikpela pinis. Mama holim han bilong pikinini meri bilong em na i kraik na tokim em olsem, Wanpela boi long narapela haus lain bai kam kisim yu go stap wantaim em olgeta inap yu lapun na bai

yu lusim mitupela nau. Olsem na wanem mi lainim yu long en, yu mas wokim. Taim man bilong yu i tokim yu long wasim klos, yu mas wokim, taim em i tok long wasim ol kap na plet, yu mas wokim hariap na noken sakim tok. Olgeta narapela wok yu ken wokim, tasol wanpela samting mi laik tokim yu stret long lewa bilong mi em olsem. Taim em i tok yu bendaun, plis yu noken wokim, bikos taim mi yangpela na kam long papa bilong yu, em tokim mi long bendaun na mi kisim taim, mi bin kisim bikpela mama bilong bagarap stret. Olsem na yu noken bendaun nating nating taim em i tokim yu.

**Wally Anis**  
**Mt Hagen**

**Ol skwat!**  
 Salim ol gutpela Kanage tok pilai i kam long:  
 Kanage Tok Pilai  
 P.O. Box 1982,  
 Boroko, NCD  
 Port Moresby.  
 Email: atolire@wantok.com.pg  
 Bai yu i gat sans long winim "Raitman Kanage" t-siot!

**Painim Tok!** Raitim daun wanem pani samting yu ting i gutpela insait long babol long poto...

**BAI YU WINIM WANPELA WANTOK T-SIOT O LAPLAP!**  
 Salim i kam long: **Pani Toktok Kompetisen, P.O. Box 1982, Boroko, NCD Port Moresby** - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.  
 Nem:..... Adres:.....  
 Krismas bilong yu:..... Telepon:.....  
 Yu baim Wantok niuspapa long wanem hap:  
 (Rot, Maket, Stua).....  
 Krismas long hin



HAUS HIA: Nupela ol Nasfan haus long Haba Siti, Konedobu. Photo: NICKY BERNARD

# Namba bilong haus bai inapim laik long 2013-14

**Paul Zuvani i raitim**

**OL kampani i wok long mekim ol haus bilong silip na opis we dispela i planti tumas long dispela taim.**

Planti ol haus bai stap nating bikos nogat ol manmeri na kampani bai pulimapim dispela ol haus na opis.

Dispela bai i no inap kamap inap long foapela o 5-pela yia bihain.

Dispela em bikos long 2013 na 2014 i go dispela bai i taim we PNG Likwifait Netseral Ges (LNG) projek we ExxonMobil na Oil Search i wok long pas long em i stat long kamapim ges.

Long dispela taim planti ol kampani na wokman bai painim ples bilong wok na silip.

Na long dispela taim ol haus we ol kampani i wok long mekim long dispela taim bai i gat wok bilong ol.

Wantaim LNG projek we ExxonMobil i wok long mekim i gat narapela projek em InterOil na Petromin bai kamapim long Galp Provins.

Dispela tupela projek wantaim planti ol maining projek bai inapim mak bilong ol haus we i wok long kamap.

Ol nupela haus i kamap long Hohola, Gordons na Waigani Draiv.

Gordons em Steamships haus, long Waigani Draiv klostu long Westpac Biding em tupela opis haus bai kamap-wanpela bai gat foapela stori em 4000 skwea mita spes o narapela bai gat tripela stori 3,000 skwea mita spes.

I gat luksave olsem bungim bilong rum bilong tupela haus bai kisim inap opis spes bilong Deloitte Tawa long Daun Taun Mosbi.

Narapela komasel (bisnis) haus we i wok long kamap em Visen Siti we Rimbunan Hijau (PNG) Group, (RH) i wok long mekim long Waigani.

Mak bilong graun dispela haus i

kisim em 33,000 skwea mita.

Wantaim dispela RH i tingting long sanapim narapela haus arere long Visen Siti we bai kisim narapela 60,000 skwea mita.

Nasfan i tok long kamapim narapela tupela haus long Mosbi Daun Taun we bai kisim spes bilong 4,600 skwea mita.

Dispela em long bipo Burns Philips Haus arere long Westpac Benk.

Steamships tu i wok long plen long kamapim haus we bai kisim 8,000 i go long 10,000 mak bilong graun.

Pablik Opisas Supanuesen Fan (POSF) bai kamapim narapela haus we bai kamap long Tu (2)

Mail Maunten klostu long Era Rumana.

I gat narapela haus em CHM i plen long mekim we bai kisim 8,000 skwea mita mak bilong graun.

Wantaim long dispela ol haus em wel na ges kampani ExxonMobil i plen long kamapim haus bilong em long wokim opis na silip long hap bilong Boera.

Dispela bai kisim 10,000 mak bilong graun.

Em i gutpela long kamapim dispela ol haus tasol wok bilong stap na yusim dispela ol haus bai kamap long 2013 na 2014.

## Wokman mas mekim wok: Ariccia

**Paul Zuvani i raitim**

PAPUA Niugini oltaim i mas gat inap long holim maket bilong en wantaim ol kantri, oganaisesen o kampani long wol.

Nogat saplai, oganaisesen inap long lusim PNG go long narapela kantri, Embasado Aldo Dell'Ariccia, hetman bilong deligesen bilong Yuropien Komisen i mekim dispela tok long namba wan Foren Afeas na Imaigresen woksop, long Holide Inn long Mosbi sampela taim i go pinis.

Hettok bilong dispela woksop em Wok bilong Tred long Developmen Stratejis bilong PNG we i kamap.

Embeseda Dell'Ariccia i tok Yuropien Yunien i laik long kamapim gutpela maket wantaim PNG tasol sapos PNG i no kamapim saplai we Yuropien kantri i laikim orait dispela maket inap long pinis.

Na olsem PNG bai lusim gutpela mani long dispela tu.

Na olsem em i bikpela samting PNG i mas gat inap



SAPLAIMAS STAP: Embeseda Aldo Dell'Ariccia i tok PNG mas gat saplai bilong mekim maket.

sapulai long bungim mak we maket i laikim long em.

Em i tok wanpela samting we PNG i gat maket long Yurop em pis.

Tasol em i tok maket bilong pis tu i go bagarap bikos ol nogut pis i kamap long maket na olsem Yurop i no laik.

"Yu gat jenerat bilong friza i bagarap na bipo long kisim i go long Yurop ol man i wok long sip i no laik long stre-tim."

"Dispela i lukim ol pis i

bagarap taim ol i kamap long Yurop," Embeseda Ariccia i tok.

Em i tok kain liklik samting we inap long stret hariap i ken bagarapim olgeta samting na sans bilong givim gutpela sevis i ken go lus.

Ariccia i tok kopi bilong PNG i namba wan long wol tu tasol long wanem as dispela i no kamap na kopi bilong Brazil, Colombo na Dominikan Ripablik tasol i gat nem long Yurop.

Em i tok i gat planti ol liklik ol samting we i save pasim kamap bilong gutpela wok na developmen.

Na olsem Gavman, pablik sekta, praiwet sekta, ol papagraun na olgeta arapela grup i mas bung wantaim, stretim tok na kamap wantaim wanpela tingting bai ol wok developmen bai kamap gut.

Long dispela taim tu Minista bilong Foren Afeas, Tred na Imaigresen Sam Abal i tok long strongim wok bilong Tred na invesmen Gavman bilong Somare i strongim yet tok bilong

Ekspot Driven Ikonomi.

PNG i mas salim moa samting i go aut moa long em i baim.

Em i tok stat long 1990's mak bilong PNG i salim ol samting i go antap long 75 pesen we pastaim long dispela i bin stap long 49 pesen.

Long baim ol samting mak bilong baim ol samting tu i go antap long 35 pesen we pastaim i bin stap long 28 pesen.

Em i tok ikonomi bilong PNG i liklik na olsem PNG i save laikim helpim bilong ol arapela kantri long mekim wok bilong em.

"Long dispela as Dipatmen bilong mi bai kamapim Nesenel Tred Developmen Plen bai ken gat polisi bilong bihainim na karim aut gut wok bilong maket wantaim ol arapela kantri," Minista Abal i tok.

Kamap na givim tok tu long dispela woksop em Vais Minista bilong Komes na Industri Honorabel Tony Aimo na Mista Mosilayola Kwayaila husat i makim Minista bilong Nesenel Plening na Monitering Honorabel Paul Tiensten.

## Marengo laik wokbung wantaim komyuniti

**Paul Zuvani i raitim**

MARENGO, kampani i mekim wok maining long Yandera, Bundi Madang Provins i gat laik long wokbung wantaim komyuniti long dispela hap na long ol hap i stap klostu long dispela ples.

Menesing Dairekta Les Emery i tok kampani i mekim olsem bikos em i laik lukim olsem wok i mas go het long mekim Yandera projek i kamap gutpela.

Long namel bilong 2008 komyuniti rilesens tim i stap long bes kem i bin kamapim sampela gutpela bilong Yandera komyuniti.

Ol i helpim ol lokol pilai olsem soka, ragbi na volibol.

Moa long dispela kampani i helpim komyuniti long kamapim na stretim ol samting bilong Yandera Komyuniti Skul.

Kampani i helpim tu long givim helt sevis we wanpela helt ekstensen opisa i save go raun long ples na sekim ol manmeri long sik, sua na kain sindaun bilong ples.

Na wantaim helpim bilong ol papagraun Marengo i kamapim wanpela asosiesen na konstitusen bilong em.

Wantaim kamap bilong asosiesen dispela bai helpim tu komyuniti long kam aninit long nem bilong dispela asosiesen na kisim ol samting long helpim sindaun bilong ples.

Tasol long olgeta dispela ol samting Marengo i save olsem i gat planti ol samting i stap yet long em bai helpim Yandera komyuniti .

# Bulolo hani bisnis i karim kaikai

**Michael Novingu i raitim**

## OL FAMA long Bulolo distrik long Morobe provins i lukim long fes taim wok bilong ol long lukautim hani i karim kaikai.

Bosman bilong wok bilong lukautim hani long Goroka, Tella Loi, i lukluk raun raun long Bulolo long helpim ol fama i mas kamapim gutpela hani.

Mista Loi i tok em i amamas long

lukim ol fama long fopela mun tasol ol i kamapim hani i gutpela long kaikai we em i kirap nogut olsem ol i ken wokim hani.

Em i tok Sally Sonoling, Bosmeri bilong Bulolo Hani Asosiesen, wantaim tripela wanwok bilong em, Yonga Heva long Garaina Waria LLG, Labu Archie long Mumeng LLG, na Elsie Willy long Wabu Eben LLG i wokabaut raun long sekim wok bilong lukautim

hani long Bulolo distrik.

Mista Loi i tok Steven Bani, wanpela fama long Lagis ples long Buang LLG i kamapim 16 kilo bai kisim K160.

Moa yet, dispela em i gutpela nius long ples. Ol i save kisim strong long kopi na arapela ol samting long lukautim sindaun bilong ol.

"Kamap bilong wok bilong lukautim hani i bikpela samting long

Bulolo distrik long lukautim sindaun bilong ol," Mista Loi i tok.

Memba bilong Bulolo, Sam Basil i tok em bai kisim sampela hani i go long mun Mas palaman kibung long soim long Praim Minista, Minista bilong wok didiman (Minister for Agriculture & Livestock) na ol arapela minista long lukim na sapotim wok bilong kamapim hani long Bulolo na Papua Niugini.

Mista Basil i tok dispela em i gutpela wok long kamapim wok long ol lain long ples long lukautim sindaun bilong ol. Em i tok olsem sapos ol didiman woklain i wokbung wantaim memba long ol distrik bai lukim wok bai go het long kirapim wok bilong hani.

Mista Basil i tok ol i ting samting olsem 200 tan hani kantri bilong mipela i kamapim pinis long mani mak bilong K2 milien long olgeta krismas.

## Lae siti rot i no stret yet

**Bustin Anzu i raitim**

NESENEL gavman mas mekim sampela samting long ol rot bilong Lae siti. Olgeta taim, ol rot i bagarap nogut tru. Wanem taim bai nesinol gavman i luksave long rot bilong siti bilong Morobe Provins.

Wanpela memba bilong Lae Semba bilong Komes (Lae Chamber of Commerce) na bisnisman Peter Honale i tok planti taim ol i wok long toksave long gavman long hevi bilong Lae siti rot na wanem taim bai gavman i putim sampela mani i go long fiksik ol dispela rot.

Nau yet, Lae em wanpela bikpela industrial siti insait long kantri.

Honale i tok nesanel gavman mas kamap papa long ol toktok bilong Lae siti rot na stretim olgeta pot hol insait long siti.

Em i mekim strongpela toktok olsem Lae i save wokim planti mani long revenue bilong kantri insait long las 10 yia i go pinis na gavman i no luksave long dispela, taim ol i wokim nois long rot bilong Lae siti.

"Dispela em wanpela bikpela samting na sem long ai bilong ol intanesenel komynuniti insait long kantri. Gavman mas toksave wanem taim bai ol i wokim olgeta pot hol bilong ol insait long siti. Dispela em wanpela bikpela sem pasin nesinol gavman i mekim," em i bin tok.

Em i tok tu olsem sapos gavman i no laik fiksik dispela ol pot hol, orait em mas toksave bilong wanem as na em i no laik stretim ol rot.

Lae siti em i stap namel stret na senta bilong ol narapela hap rijen na provins. Em i senta poin bilong Hailans, Momase na Niugini Ailan na gavman inap long lukluk strong long stretim ol pot hol we i wok long bagarap olgeta taim.

Mista Honale i tok nesanel gavman i no luksave long rot bilong ol long 2007 i kam inap nau na sampela bilong ol dispela kontrak i no wokim rot bilong ol we ol inap long wokim long en.

Wanpela kontrakta i lusim dispela rot namel long Milfordhaven Rot na i no stretim ol pot hol na lusim olgeta taim narapela, long Huon Rot i no stretim dispela rot insait long las sikspela mun.

Honale i tok dispela rot long Huon i gat planti ol skul, haus lotu na motel tu i stap na das i ken kamapim sik long ol manmeri na pikinini tu.

Em i tok gavman mas mekim sampela samting long rot bilong Lae siti na i no ken lusim nating olsem i stap.



WOKBUNG: Rais Ekstensen Kodineta Verave Gavali (raithan) na Sinia Advaisa bilong Rural Developmen Akamatsu Shiro long wokbung kibung i kamap long NARI long Lae las wik.

## Wokbung kirap long rais ekstensen program

**Seniorl Anzu (DAL) i raitim**

WANPELA smolholda rais developmen program, we i kam aninit long 'model fama' sistem bilong Dipatmen bilong Agrikalsa na Laipstok (DAL) na Japan Intanesenel Koporesen Ejensi (JICA) i redi long kirap long Manus na Milen Be provins long 2011.

Dispela bai ekstensen wok bilong ol ples rais developmen program long ol provins long kantri we i orait long groim rais.

Dispela program i bin kamap namba wan taim long Madang na Is Sepik namel long 2003 na 2008.

Tasol nau dispela ekstensen hap bilong program bai pulim wokbung wantaim ol arapela ogenaisesen olsem Nesanel Agrikalsa Risets Intstitut (NARI) bai ol i ken stretim ol teknikal

hevi we i bin stap long namba wan hap bilong program.

DAL na JICA i wok promotim lokol rais prodaksen aninit long model fama sistem bilong ol we ol i save givim skul na save i go long ol fama long ples. Dispela ol i laik yusim bilong strongim tingting bilong kaikai sekyuriti.

Aninit long Fud Sekyuriti Brens bilong DAL, i gat wanpela Rais Ekstensen Yunit i kirap.

JICA Rais Risets Teknolojis Instrakta Tatsuo Fujita i tok ol i gat laik long wokbung wantaim NARI long painimi ol nupela rot bilong groim rais long PNG.

Wanpela sinia JICA volantia, Noboru Iwano, husat i wok insait long rais developmen long PNG tupela yia pinis, i tok em i lukim olsem i gat ol

kain kain birua binatang na sik hevi long rais, olsem na save bilong NARI bai mas kam insait.

Mista Iwano i tok olsem pasin bilong kaikai rais em i bikpela long PNG na olgeta wanwok ejensi i mas wokbung nau long stat long groim hia yet long PNG.

Ekting Dairekta Jeneral bilong NARI, Dokta Sergie Bang, i tok ol bai wokbung wantaim DAL na JICA long risets na developmen bilong rais. Dokta Bang i tok NARI i gat rais na gren projek bilong em we em i ken wokbung insait long program long ol samting olsem birua binatang, painim ol gutpela sid, na kamapim nupela rot bilong groim rais long kain kain hap.

Ol arapela lain i wokbung long dispela pro-

gram em ROC Taiwan Teknikal Misin long PNG na OISCA em Ogenaisesen bilong Industriyel, Spiritual na Kalsarel Advansmen), wanpela Siapan Iko Teknikal Trening Senta long Kokopo. Dispela tupela lain wantaim i wok groim rais pinis long PNG.

Aninit long dispela program, planti handret fama long Madang na Is Sepik i kisim skul long groim rais na ol i givim skul long ol arapela fama long wan wan distrik na ples bilong ol namel long 2003 na 2008.

Ol dispela modul fama i bin kisim trening long ol arapela kantri tu long kain kain hap wok bilong groim rais. Sampela long ol dispela fama i tok ol i laik givim save ol i gat long ol arapela rais fama insait long kantri.

## Nupela hausmaket bilong Lae

NAMBA bilong ol fama i go antap olgeta de i kam long Lae siti lukim nogat inap spes long ol manmeri i salim ol kaikai bilong ol.

Ol meri bilong Morobe provins i laikim Lae siti kaunsel na provinsel edministresen long wokim plen long wokim nupela hausmaket bilong ol yet.

Tripela meri, Delilah Kelly, Loujaya Toni na Jackie Baur long wanpela kibung bilong ol meri aninit long hetok 'Strongim Ol Meri' i toktok strong long Lae siti kaunsel, Morobe provinsel edministresen long wokim maket haus bilong ol yet long salim kaikai bilong ol.

Misis Baur i tok em i sori long lukim ol meri long Naweab distrik i kam long ol ples olsem, Situm, Bukawa, Aluki, Gobadik em ol fama long hailans provins i save rausim ol long putim ol kaikai bilong ol antap long bed na tebol long salim.

Em i tok ol meri i save putim ol kaikai bilong ol long san i lukim ol kaikai i go bagarap. Sampela taim ol i save sanap ausait long taim bilong rain na salim kaikai bilong ol.

Misis Baur i tok, toktok bilong ol i no long kirapim kros na rausim ol fama bilong hailans, nogat. Namba bilong ol fama i go antap olgeta de long kam salim kaikai bilong ol i lukim nogat inap spes long ol meri asples long salim kaikai bilong ol.

"Mipela laikim nupela gutpela hap long salim ol gaden kaikai bilong mipela ol meri Morobe stret bai gutpela," Misis Baur i tok.

Memba bilong Markham, Konie Inguan i tok em i sapotim tingting bilong ol mama long wokim nupela hausmaket bilong ol.

Mista Iguan i tok long 2009 long wanpela kibung bilong tutumang, em i askim Morobe provinsel gavman long painim spes long Lae maket hap long wokim maket bilong ol asples stret.

Em i askim Lae siti kaunsel long wokim plen nau long wokim nupela hausmaket long nogat inap spes long ol manmeri i kam salim ol kaikai bilong ol.

"Mi bin wanpela fama pastaim long mi kamap memba bilong palaman. Pen mi pilim long en ol mama i pilim nau."

Wantok Niuspepa i raun long Lae siti maket i lukim i tru Lae maket nogat inap spes long kisim planti manmeri i kam salim ol kaikai bilong ol. Nogat inap spes long ol manmeri i wokabaut i go i kam long peim kaikai bilong ol.

# Gigira stap yet

Bustin Anzu i raitim

GIGIRA Laitepo FC i winim Gele Hills 2-nil long Lae las wiken. Dispela win bilong ol i toksave olsem, ol stil stap yet insait long dispela pilai resis.

Ol mangi Morobe i kamapim wanpela gutpela pilai na ino givim spes long ol mangi Mosbi long namba tu raun bilong Nesinol Soka Lig o NSL.

Long wankain taim tu, Esi Loan Yunivesiti bilong Pot Mosbi i hamarim ol sumatin Besta PNG United 4-nil long dispela tupela pilai we kamap long Se Ignatius Kilage Stadium. Long Madang, Niupetro Madang Fox i holim narapela tim bilong Mosbi CMSS Tigers 2-2.

Tigers i no fitim stail bilong ol mangi bilong Flying Fox kantri na ol i stopim ol long winim ol long asples bilong ol yet.

Bihain long Hekari United i bagarapim ol 3-nil long narapela wik igo na kisim kain kain toktok long pepa olsem ol mas senisim ol menesmen na kosa, olgeta pilai i no wanbel long dispela.

Ol i laikim olsem ol husait lain i mekim toktok long bagarapim ol, mas kam long fil na toktok wantaim ol na soim ol long pilai na noken mekim ol toktok nabaut.

Na dispela win bilong ol i soim olsem ol ino mangi moa. Ol igat bun na strong long pilai na ol bai pilai strong moa yet.

"Dispela win em i gutpela tru. Mipela kisim planti tok baksait na stori nabaut. Tasol mipela winim dispela pilai long soim olsem mipela ino aut, mipela stap yet. Mi tok amamas long ol

## Pot Mosbi Soka Asosiesen (PMSA) Pri Sisen Dro

### Gem 1

#### Satade Februari 20 2010

<b>Bisini 1</b>	08:00	Dogura Rats vs B Mobile	MP4
	09:30	Saints vs Kurti Andra	WP1
	11:00	University vs LBC Defence	WP2
	12:30	Bavaroko vs Morobe United	MP7
	2:00	Snax Momase 1 vs Moonbi	MP1

### Bisini 2

	08:00	Verave vs PNG Fire	MP5
	09:30	ATW Sky Hawks vs Snax Momase	WP4
	11:00	Lamana vs Guria	WP1
	12:30	Guria vs Hard Rocks	MP8
	2:00	PS Roots vs LBC Defence	MP1

#### Sande Februari 21 2010

### Bisini 1

	8:00	Rubuana vs PJB Warriors	MP7
	9:00	Dobo Murika vs PNG Timber	MP5
	10:00	Musa vs Dobo Warriors	MP6
	11:00	Dobo Warriors vs PNG Fire	WP3
	12:00	Mungkas 2 vs Murat	WP3
	01:00	LBC Defence 1 vs University	MP3
	02:00	PS United vs Mungkas 2	MP3

### Bisini 2

	8:00	Raitman vs Keleiruna	MP8
	9:00	Murat vs DBTI	MP6
	10:00	Masters vs Musat	WP4
	11:00	Mungkas 1 vs CSU Thrillers	WP2
	12:00	Snax Momase 2 vs Saints	MP4
	01:00	Muiah Brothers vs Mungkas 1	MP2
	02:00	CSU Thrillers vs Kurti Andra	MP2

**Toksave: I gat 8-pela pul bilong ol man na 2pela bilong ol meri**

mangi long putim dispela gutpela pilai," Tim menesa Stanley Khanna i tok.

Em i tok sikspela bois olsem kepten Goroba Tawa, Matthew Young, Hans Mambare, Rodney Talau, Armstrong Peka na Kohu Lein ino kisim fil. Ol i kisim bagarap long pilai na sampela ol i sik.

Kosa bilong Gele Hills Wesley Waiwai i tok olsem ol Gigira i pilaim wanpela difensiv pilai stret na winim ol. Straika bilong ol

Paska Wojem i pilai gut tru long winim ol fowet bilong em na putim wanpela gol na helpim long putim narapela gol we Elude Fugure i skoa.

Waiwai tok ol i nidim kain pleya olsem Wojem na Fugure long nesinol sait bilong ol long putim gol.

Dispela win bilong Gigira nau i putim ol long namba tu ples wantaim 18 poin. Hekari i go pas wantaim 19 poin na ol igat narapela tupela pilai i stap aut yet.

## Mosbi soka bai go het yet

POT Mosbi Soka Asosiesen (PMSA) bai go het yet long kamapim ol gem bilong ol dispela sisen maski gat hevi stap namel long ol eksekutyutiv.

Dispela bai stat wantaim namba wan raun bilong ol pri sisen pilai bilong ol dispela Sarere (Febuari 20) long Telikom Park.

Toksave i kam long Jenerel Sekreteri, Jack Lus olsem ol tim i noken harim tok bilong ol arapela man na ting olsem gem bai no inap kamap.

"I gat apil bilong mipela i stap long Nesanel Kot olsem na dispela i pasim ol arapela

kot oda i stap agensim mipela," stetmen pepa bilong Lus i tok.

Em i tok klia long dispela bilong wanem i gat sampela ol arapela opisal na bikman bilong PMSA i kisim kot oda long stopim pilai na senisim ol eksekutyutiv bilong asosiesen husat ol i stap nau.

Tasol wanpela mausman bilong PMSA i tok dispela kot oda i no inap wok bilong wanem ol tu i putim wanpela apil long nesanel kot agensim dispela oda long September 2009 we kot i no givim tingting long en yet.

Lus i tok long dispela stetmen olsem ol tim i noken

paul long husat i ronim asosiesen na ol i ken kamap tasol long pilai wantaim gutpela tingting.

Wanem tim i laik stap insait long pri sisen pilai mas baim K150 rejistresen bilong ol i go long akaun; 11087515 long ANZ benk long Waigani na givim risit pepa i go long Christine Petrus.

Wanem tim i no baim rejistresen bipo long Mas 3 ba no inap stap insait long dro.

Husat i gat askim i ken tok wantaim (Jack) Lus long 720 48794, Alphonse Kurab (340 9488/ 714 30982) Christine Petrus (344 2455/ 728 81 744 o feks 276 3006)

# PNG Etlit Yunion laikim luksave

## Ol pilai i wok long redi

- 2010 Nesanel Sempionsips
- 2010 India Komenwel Gems
- 2011 Solomon Ailan Saut Pasifik Gems
- 2012 Ingran Olimpik Gems

Paul Zuvani i raitim

PAPUA Niugini Etlit laikim luksave long PNG Spot Federesen na PNG komyuniti.

Presiden bilong Etlitik Yunion Tony Green i tok tingting bilong winim medol i pasim ai bilong ol manmeri long luksave bilong hatwok wanpela etlik i gat long en.

Bikpela piksa em disebel rana Francis Kompaon husat i winim Beijing Olimpik silva medol.

"Mi nogat planti toktok long Ryan long wanem Ryan i resis long spot we planti kantri i painim hat long winim medol long em."

"Tasol toktok long weitlifiting."

"Nogat planti kantri i

save stap insait long dispela resis na olsem ol weitlifita bilong PNG i gat gutpela sans long win."

"Long etlit laki rana bai go long fainel. Em i spot we level bilong kompetisen i antap tru na laki manmeri bai go long fainel."

"Na PNG tu i wankain. Maski ol etlit bilong mipela i tren gut na tren hat na brukim ol nesanel rekot tasol taim yu kamap long wol pilai we planti etlik i stap long em, yu resis wantaim ol namba wan man meri tasol."

"Na olsem long PNG i mekim fainel dispela i hat," Green i tok.

Em i amamas Francis Kompaon i winim PNG Spotman bilong yia long las yia.

Tasol wankain luksave i

bin mas go long Mae Koime na Toea Wisil tasol PNG Spot Federesen i save makim Dika Toua na Rita Kari tasol.

Em I askim tasol sapos Federesen i ken givim sampela taim na skelim mak bilong resis na trening bilong ol etlit.

Long sait bailing trening em i tok planti ol PNG etlit i no save laik long stap long Nu Silan na tren.

Dispela em bikos ples i kol na olsem Australia i gutpela long ol, moa long Brisben.

Dispela em tok bilong PNG Etlitik Yunien presiden Tony Green long wanem as na ol etlit i no save go long Nu Silan long tren.

Dispela trening i stap aninit long progrem bilong Intanesanel Etlitik, Federesen (IAAF).

Green i tok askim i bin kamap long Mae Koime long go long Nu Silan tasol em i no go bikos long dispela as.

Dispela i wankain long ol arapela etlik.

Wantaim hevi bilong kol, IAAF dairekta i save stap long Brisben na em i laikim bai olgeta etlik i mas long wanpela ples long em i trenim na lukluk gut long ol.

"Ol i bin givim HPTC skolasip long Mae tasol em i no bin go long Auckland."

"Dispela em bikos Brisben i bin gutpela long em long olgeta taim em i save go long narapela kantri, Nu Silan i no inap givim kain level bilong trening em i kisim long Australia na Auckland i kol tumas long em i stap," Green i tok.

Em i tok Yunien i save kisim helpim long Intanesanel Olimpik Komititi (IOC) tu long taim ol i save aplai long kisim skolasip long redim ol pilai long kamap long Olimpik Gem.

Long 2008 Beijing Olimpik Gem Mae wantaim Mowen Boino i bin kisim IOC na go long Beijing pilai.

Francis Kompaon, 200 mita na 400 mita rana.



Emti Sit: Tim Menesa na tambu meri bilong Se Kapi Natto, Vonnie i sindaun na lukluk long ol mangi bilong em i pilai agensim Gigira Laitepo FC, we ol i winim dispela pilai na dediketim long Se Kapi. Long taim bilong pilai, dispela sia em bilong Se Kapi. Nau bai no gat moa.



Tim Hekari: Maski Se Kapi i no moa stap, Tim Hekari bai karim nem bilong em yet.

# Kapi Natto, trupela man bilong spots

**Bustin Anzu i raitim**

**T**AIM mi lukluk i go, wanpela sia i stap nating. Ol narapela mangi bilong pilai i sindaun long daunbilo, sampela i sanap na lukluk i go long fil we ol i pilai.

Baksait long dispela ol lain, planti narapela man-meri na sapota tu i kam na sindaun. Na planti manmeri i sindaun antap long ol sia we stap antap na lukluk i stap.

Ol i sapot long tim bilong ol, ol mangi o ol fevret pilai-bilong ol.

Klostu sait tasol long narapela sia, wanpela meri i sindaun na lukluk long pilai. Em i werim olgeta samting blek. Em i sindaun em yet.

Dispela sia em ol man inap long sindaun long em tasol nogat wanpela man o meri i sindaun.

Mi tingting long sotpela taim long dispela tasol bihain mi tingim, olsem i gat as na ol i no sindaun long dispela sia na larim i stap.

Tasol long namba wan taim, mi luklum dispela sia i stap nating, na mi save olsem papa bilong dispela tim i no moa stap, na bai i no inap sindaun long dispela sia gen.

Dispela man mi save long en, em Se Kapi Natto. Long olgeta pilai, insait long Papua Niugini na aut-sait long kantri, olsem long Pasifik, em i mas go wantaim tim bilong em.

Maski em i longpela rot long balus o kar, em i no wari, em i go yet. Em i no pret olsem krismas bilong em i senis.

Laip i senis na yia i surik i go moa yet, em i no save les. Bodi i givim toksave olsem em i kamap long narapela mak, tasol tingting bilong em olsem yangpela na long taim bipo, i stap yet.

Long namba wan taim

insait long histori bilong Hekari United, dispela sia em nogat man i sindaun long en.

Dispela samting i bin kamap long Sarere namba 6 de bilong mun Febueri long Se Ignatius Kilage Stadium long Lae taim Hekari United i pilai wantaim Gigira Laitepo.

Dispela pilai i bin makim namba 2 raun bilong Nesenel Soka Lig (NSL) we Hekari i winim Gigira 3-nil na dediketim i go long leit Se Kapi.

Tasol, long narapela wiken i go pinis, Se Kapi i sindaun long sem sia long sem ples na lukim ol boi bilong em i pilai, na ol i winim Tukoko Yunivesiti bilong Lae, 6-2.

Em i lukim mi na askim mi sapos mi bin lusim wok bilong mi long Solomon Ailans na kam bek pinis. Na mi bin tokim em olsem mi lusim pinis na kam bek pinis.

Mitupela i mekim sampela moa stori na bihain mi lusim em na tokim em olsem mi kisim sampela olpasa pastaim na bihain mi kam bek na pinisim ol stori bilong mitupela.

Mi no go bek na sikanim em na tok mi lusim em. Bihain long pilai i pinis, mi go pinis long haus na bihain mi go long hotel we ol Hekari i stap tasol mi no bungim em.

Na mi save olsem mi bai bungim em long ples balus long moning.

Taim moning mi go long Nadzab ples balus, ol opisal i tok Se Kapi wantaim ol pleya bai go bihain long san. Ol opisal tasol i go long moning.

Mi bin bungim em long planti hap, long Papua Niugini long ol NSL pilai na tu, long Solomon Ailans, we mi wok long en.

Taim Hekari i go long Honiara long pilai, mi save bungim em na stori long tim

bilong em.

Na mitupela save pulim planti toktok. I no soka tasol, em i save toktok long laip, politiks, spots na ol narapela toktok we em i lukim olsem gutpela long stori.

Em i stori long taim bilong em olsem woda na tu, wok bilong em long prison o haus kalabus ministri. Wok misin insait long woda i bringim em i go long planti hap graun.

Em i stori tu long gavman sevis long gutpela taim bilong em.

"Sevis i no olsem nau. Wanem samting yu laikim, em i redi tasol na stap. Taim yu laik kisim lip, tiket na olgeta samting i redi tasol. Yu kisim lip nau na tumoro yu kalap long sip o balus na yu go long ples.

"Nau, dispela ol kain samting i no stap. Taim yu kisim lip, yu bai wetim tiket na stap yet," em i bin tok.

Long Mande, Janueri 24, mi kisim Niuspepa na ritim olsem Se Kapi Natto i lusim laip bilong em taim em i wetim balus long Nadzab.

Plantu ol man na meri, husat i save long Se Kapi i tok man husat i save gat taim long ol famili bilong em na planti taim, tingting bilong em i save stap long spots na lotu.

Long spots, em i lukluk long ragbi lig, yunion, netbol na soka.

Ol i tok em i kamap wanpela isipela man husat i statim laip bilong em olsem ol liklik man we i save givim respek na harim toktok.

Se Kapi i statim laip bilong em long 1939 long liklik ples bilong em Waroi, long Maunten Urisia, Kutubu, Sauten Hailans Provins.

Em i kam long wanpela bikpela lain grup ol i kolim long Fasu, wanpela papagraun bilong Kutubu stret.

Bihain em i go skul long Toge Praimeri skul. Taim



Se Kapi: Leit Se Kapi (lepan) i sindaun na lukim ol mangi bilong em i pilai. Em long dispela wokobaut tasol em i kam na kisim bagarap.

em i pinisim dispela skul, em i go long Erave na wok long wanpela stoa olsem supavaisa bilong wanpela wait man, Ron Neville. Dispela wok em i mekim namel long 1960 na 1967.

Neville i bin go stap long Mendi na mekim wok olsem fama na lukautim kau na bihain em i kamap rijinal memba bilong Sauten Hailans.

Long dispela taim yet, wanpela Kristen famili, Kaia, i kisim em na lukautim em na em i kamap wanpela strongpela lotu man.

Long 1963, em i bungim meri bilong em Piru na tupela i marit. Bihain long wanpela yia bilong tupela i marit, namba wan pikinini man bilong em, John, i kamap.

Se Kapi i lusim dispela wok bilong em long stoa long 1968 na go joinim woda na stap long Baisu haus kalabus, insait long Westen Hailans provins.

Bihain em i go long Bomana, Pot Mosbi, long wokim trening bilong em.

Bihain em i go long Kavieng long Nu Ailan na sampela yia bihain, em i go bek klostu long ples bilong em, long lalibu. Dispela em namel long 1973 na 1976.

Long dispela taim, em i mekim wok bilong lotu i go bikpela.

Em i transfe i go long Bui Yebi haus kalabus, klostu long Mendi taun, na strongim

wok bilong lotu wantaim ol kalabus man na tu em i pait strong long kamapim wanpela sapel o haus lotu.

Long dispela taim, em i wok klostu wantaim ol yangpela na em i wanpela bikpela sapota bilong ragbi lig tim bilong ol woda, Tarangau.

Olsem wanpela papagraun bilong Kutubu, em i askim Petroleum Resources Kutubu long putim mani i go long spots.

Em i laik lukim olsem fleg bilong ol kalabus mas plai antap taim ol i pilai o mekim narapela kain wok wantaim ol komyuniti.

Tasol, ol dispela samting em i mekim, em i no laik mekim olgeta i amamas. Em i kisim gutpela taim na mekim bai ol dispela wok bilong em bai strong.

Long sait bilong wok bilong em, em i wok olsem wanpela woda nating, bihain kisim wok olsem kopul, sajen na bihain, kamap sinia sajen pastaim long em i pinis long 1990.

Long dispela las taim bilong em long wok olsem woda long Bomana, em i strongim wok bilong lotu wantaim ol narapela Kristen memba.

Em long dispela ol gutpela wok bilong em, em i bungim olpela Nesenel Kot Jas Jastis Mari Kapi, husat i lukautim Kristen ministri bilong ol woda long dispela taim.

Dispela bikpela wok bilong

Se Kapi i no go nating. Gavman i bin luksave long wok em i mekim wantaim ol woda na kalabus man na meri.

Man husat i givim strong long em long dispela wok, olpela Sif Justis Sir Mari Kapi, i raitim pepa long gavman na Kwin mas luksave long dispela ol bikpela wok em i bin wokim.

Tasol Se Mari i no bin stap long lukim dispela medol bilong Se Kapi, long wanem, em i painim sik na dai. Medol bilong Se Kapi, em i kisim long Oktoba las yia.

Tasol klostu long em i lusim laip bilong em, wanem liklik strong em i gat, em i putim i go long spots, na dispela em i bilip, em i ken senisim olmanmeri bilong em long Kutubu.

Maski em i no go long bikpela skul long kisim save, liklik skul em i kisim long Toge Praimeri Skul i mekim bikpela samting long laip bilong em.

Em i laikim olsem ol manmeri bilong em yet i mas kisim gutpela save long skul na mekim wok developmen insait long ples bilong em yet.

Na nau, ol lain bilong em i sindaun antap long bikpela raun wara bilong oil.

Olgeta samting em i bin wokim, Se Kapi i gat bikpela tingting olsem em bai mekim - em i no gat tubel.

I go moa long pes 27





# S P O T S



Isu 1853

Wan wik: Fonde, Februeri 18 - 24, 2010.

**back to school**  
**K500,000**  
**cash rewards**

helping you with "Back to School" expenses.  
 • Top up your bemobile with K5 or more and you automatically go in the draw. • The more you top up, the more chances you have to win! • 1000 prizes of K500 each to be won.



Winners will be announced weekly in daily newspapers and via SMS. Promotion commences on January 11th and closes February 28th 2010.



**bemobile** *toktok moa*

# PNG NRL Bid bai gat yut progrem

James Kila i raitim

OL SKUL pikinini long PNG i gat 8-pela krismas na i go antap, bai gat sans nau long traim pilai ragbi takol o bodi kontek spot long redim ol yet long pilai insait long ol yut progrem bilong PNG NRL Bid.

Tasol bikpela samting em olsem ol bai stap long bikpela lukaut o was i kam long ol tisa o spots lain husat i lukautim ol.

Na tu, ol bai gat ol samting long yusim long banisim bodi bilong ol long noken kisim bagarap.

Minista bilong Spots na Siaman bilong PNG NRL Bid, Philemon Embel long

Tunde, i tok olsem ol i putim wanpela pepa long kisim tok-orait long Nesenel Edukesen Dipatmen long givim tok orait long larim ol ragbi lig yut progrem i ken stat long ol skul.

Dispela pepa em Mista Embel i tokaut long aste olsem Nesenel Edukesen Dipatmen i tok orait long en pinis long senisim polisi long larim kain kontek spot olsem Ragbi Lig i kamap long ol liklik pikinini long praimer skul long PNG.

Dispela em bikos pastaim long en wanpela polisi long Edukesen long PNG i no givim tok orait olsem ol kontek spot (pilai takol) i kamap long ol gem olsem ragbi lig

insait long ol skul insait long kantri. Minista Embel wantaim deputi bilong em na Gavana bilong NCD, Powes Pakop na Jeneral Menesa bilong PNG NRL Bid, Bev Broughton, i bin tokaut long dispela bihain long wanpela miting long Mosbi.

Mista Parkop i tokaut klia olsem yut progrem em wanpela bikpela samting insait long wok redi bilong PNG NRL Bid long kisim laisens long NRL Bod long Australia. Olsem na ol i putim wanpela bikpela proposal i go long Nesenel Edukesen Dipatmen.

■ Igo moa long pes 27.



JOACHIM Waroi, bilong Hekari FC insait long O-Lig soka resis i amamas bihain long em i skorim namba 4 gol bilong Hekari long daunim Tafea Vanuatu 0 las wik Sarere long Mosbi. Lukim stori bilong pilai na sindaun bilong Hekari long O-Lig poin leda long p27. Stori long pes 27. Foto: NICKY BERNARD

**NISSAN URVAN**  
 Feveret PMV Bilong PNG

**DRIVIM IGO**  
**K69,900**



**Winim FRI URVAN**

- 3.0 Lita Diesel Engin
- 5 Spid Manuel Transmisen
- Mor Pasindia Hetrum
- Redieta stap wan mita bihain long frant bampa

Taim yu baim URVAN Bus bai yu gat sans long go insait long dro long winim \*FRI URVAN

PROMOSEN BAI PINIS 31<sup>st</sup> MARCH 2010  
 \* Terns na Condisen Aplai

• Igat Freit Sas long sampela Provins



Piksa bilong edvetismen tasol.

**BOROKO MOTORS**

PORT MORESBY PH: 325 5255  
 LAE PH: 472 1144  
 MT HAGEN PH: 542 1833  
 TABUBIL PH: 649 9048

KIMBE PH: 983 5035  
 MADANG PH: 422 2659  
 RABAUL PH: 982 8193

